



西夏書事卷十一

青浦 吳廣成西齋

天聖六年 契丹太平八年 夏五月德明使子元昊攻回鶻取

甘州 或曰西夏中興西夏

初德明降真宗錄其誓表令渭州遣人賫至西涼

府曉諭諸蕃部及甘沙首領于是諸州雖與德明

抗使介猶相往來及德明數侵回鶻其可汗夜落

隔益遣使貢方物結援中朝德明知其故遣元昊

將兵突至甘州襲破之 李氏長編云德明每不聽元昊用兵其攻陷甘州想

西夏書事 卷十一

一

非德明意故傳稱元昊忽引兵襲破甘州是德明不在兵間可知攻德明于祥符中嘗五次圍甘州

李氏以為非德明意不可信 夜落隔歸順王倉卒出奔元昊置

兵戍其地而還 元昊取甘州實錄正史皆不著年月日長編併敘于德明臨卒時宋

史夏國傳則年而不月 續綱目記在是年五月

按 甘州東據黃河西阻弱水南跨青海北控居

延綿亘數千里通西域扼羌隴水草豐美畜牧

孳息漢寶融嘗謂河西殷富帶河為固張掖屬

國精兵萬騎一旦緩急杜絕河津足以自守豈

非以山川扼塞負隅易固哉晉張氏世有其地



併于苻堅後張掖爲沮渠蒙遜所都唐嗣聖中  
甘州潰穀至四十萬斛瓜沙以西皆仰其餽貞  
元後吐蕃據之遂以富強今德明得之恃其形  
勢制馭西蕃靈夏之右臂成矣

遂立元昊爲太子

德明三子長元昊衛慕氏生次成遇咩米氏生幼  
成嵬訛藏屈曠曠氏生元昊性雄毅多大畧好衣長  
袖緋衣冠黑冠佩弓矢每出乘馬令從衛步卒張  
青蓋以二旗前導百餘蕃騎自隨十餘歲時見德

西夏書事

卷十一

二

明以馬權易漢物不如意輒斬使者嘗諫曰吾戎  
人本從事鞍馬今以易不急之物已非策又從而  
殺之則人誰肯爲我用乎德明奇之及長圓面高  
準身長五尺餘沈括筆談曹瑋在陝西日聞元昊  
常來牙市中欲識之屢使人伺之  
不可得乃使圖其狀貌視之眞  
英物也逆知後日必爲邊患云通兵法精野戰歌

及太乙金鑑訣遇戰鬪謀勇爲諸將先數勸德明  
勿臣宋且曰吾部落實繁財用不足苟失衆何以  
守邦不若以所得俸賜招養蕃族習練弓矢小則  
四行征討大則侵奪封疆上下豐盈于計爲得德

明日吾久用兵疲矣吾族三十年衣錦綺此宋恩  
也不可負元昊曰衣毛皮事畜牧蕃性所便英雄  
之生當霸王耳何錦綺爲至是德明以元昊氣識  
英邁諸蕃讐服遂冊爲太子

按僭國立子無故可不書此何以書惡稱太子

天聖也太子非侯國所敢稱元昊梟雄德明先以帝  
制待之他日之稱帝決矣

立衛慕氏爲后

衛慕銀夏大族德明旣立元昊爲太子立衛慕氏

西夏書事

卷十一

三

爲后以顯之

秋九月契丹使賀生辰

使人吳克勤應對嫺雅德明待之有加禮

天聖七年

契丹太平九年

春二月德明爲元昊請婚契丹

元昊先娶於母族衛慕氏至是德明欲結好契丹

遣使請婚契丹主許之

夏五月觀察使阿遇子內奔阿遇掠麟州

遇子與父不合挈從人投麟州阿遇索之不得以

部衆入州境大掠民戶約還子乃歸所據

秋九月麟州將張呂來索俘戶還之

麟州以阿遇侵掠不已縱其子還及索所擄阿遇

負約不遣安撫使令牙將張呂詰問阿遇辭窮留

呂共食以佩刀貫大纒啗呂呂引吻就刀食阿遇

復弦弓張鏃指呂腹而殺呂神色不動阿遇擲弓

撫其背曰眞男兒也翌日與呂縱獵雙兔起馬前

呂發矢連斃之阿遇驚服遺呂馬馳悉歸所擄如

約

天聖八年

契丹太平十年

春三月回鶻瓜州王請降德明納

西夏書事

卷十一

四

之

瓜州回鶻乃沙州分部其王賢順見德明勢日熾

率屬請降

高居誨使于闐記云自靈州過黃河行五百里至肅州西渡金河西至瓜州又

北五百里

至肅州西渡金河西至瓜州一統志瓜

西百里

出玉門關經吐蕃界西至瓜州初置瓜

州古西域

戎地漢爲敦煌郡晉分晉昌郡唐初置瓜

州後陷于吐蕃

其城在肅州西五百二十里時

德明雖得甘州與瓜州尚距千里中隔肅州回鶻

與夏國世仇賢順何以遽降宋史回鶻傳不載疑

夏國傳有

秋九月火星入南斗

西州謠言火星入南斗天子下堂走德明出居賀

蘭山禳之

冬十二月德明獻馬求經

德明獻馬七匹乞賜佛經一藏仁宗從之并以

祀園丘大赦加賜德明功臣號

天聖九年

契丹太平十一年

夏六月契丹使至興州告哀

契丹聖宗崩也

冬十月遣使如契丹奠慰

德明先遣使奉慰繼使銀州都押牙賀惟貴奠慰

遼史禮志夏奠慰進聘使至契丹契丹主與太后居葦塗殿分南北間坐使至幕次宣賜素服皂帶

西夏書事

卷十一

五

更訖先祭奠使副捧祭文南洞門入臣僚並舉哀

至丹擗立西上閣門使受祭文上殿啟封置香案

哭引使副南階上殿至禱位立揖再拜大使近前

上香退再拜復近前跪捧臺瓊奠酒三退再拜揖

隨中書二舍人跪伏讀祭文訖舉哀下殿近南面

北立于是弔慰使副亦從南洞門入四使同向靈

前再拜引出歸幕次契丹太后別殿坐弔慰使副

捧書匣右入當殿立閣門使受書匣上殿奏封全

開讀訖使副從南階上殿傳達弔慰訖下殿近南

北面立俟祭奠使副入四使同見鞠躬再拜不出  
班奏聖躬萬福再拜出班謝面天顏又再拜立俟  
傳諭撫問就位謝再拜引出歸幕次契丹主御南  
殿使副入見如見太后儀加謝遠接撫  
問湯藥再拜受賜例物即日就館燕

十二月契丹以興平公主歸元昊  
公主契丹宗室女時興宗新立封元昊為駙馬都

尉爵夏國公遣兵衛公主至興州元昊以數萬騎  
托言親迎留屯府州境知州折惟忠率麾下備禦  
戒士卒勿妄動一夕風霾有數誕馬突走惟忠營  
衆驚報惟忠臥不起徐命擒獲之元昊知不可動

乃退

明道元年 契丹興宗重熙元年

春正月熒惑犯東井

犯井東北星

夏五月德明封夏王

德明稱臣三十年頻窺邊境中國約束之卽引還

西夏書事

卷十一

六

貢獻之使歲時不絕仁宗以其恭順遣使持冊封

夏王車服旌旗降天子一等又加食邑千戶德明

尋上表謝

按此夏王錫號之始必中國封之其名乃正

秋七月鎮星犯鬼

犯東南星時大風揚塵拔木德明心惡之旣祝曰

涼州其當之乎

九月取涼州

自回鶻取涼州德明常謀恢復是時懼朝廷令六

谷諸酋赴援先遣蕃部侵環慶走馬承直李德以  
聞仁宗命鄜延路移文戒約之使人未至興靈德  
明已命元昊將兵攻涼州回鶻勢孤不能拒遂拔  
其城

按西涼南界橫山西通西域東距河西土宜三

種善水草所謂涼州畜牧甲天下者也昔漢人

取之號爲斷匈奴右臂德明立國興靈不得西

涼則酒泉敦煌諸郡勢不能通故其畢世經營

精神全注于此但繼遷取西涼而難作德明復

西夏書事 卷十一 七

西涼而身亡豈歲星在越時果不利耶抑天道

惡盈不使貪心得饜也

冬十月夏王趙德明卒

年五十一遣使入京告哀仁宗輟朝三日同皇太

后乘輿至幕殿服素服爲德明舉哀贈太師尙書

令兼中書令以開封府判官度支員外郎朱昌符

昌符道病侍御史孫祖德代之爲祭奠使六宅副使內侍省押班

馮仁俊副之賜賻布三百匹絹七百匹副以上醢

米羊麩將葬賜物稱是皇太后所賜亦如之

宋史夏國



傳作天聖九年  
十月德明卒誤

按禮諸侯曰薨大夫曰卒得明既書夏王不書薨書卒不予其王也蓋德明受爵天朝跡其稱帝國中侵掠邊境意中豈復有天子乎昔周室東遷諸侯放恣夫子作春秋外諸侯皆書卒蓋變文斥之也後夏主書卒倣此

論曰德明當西涼大創之後諸戎叛渙之初若猶執前修苟循覆轍河南討擊之師不崇朝而集矣于是表守遺言誓修職貢朝聘之使往來

西夏書事

卷十一

八

如家牛羊繒帛彼此各受其利使塞垣之下有耕無戰逾三十年殆所謂識時務者耶迨俸賜既贍兵力亦完然後東戰契丹南扼蒼耳北城懷遠西拔甘涼粟支數年地拓千里夏國之業實基于此元昊雖雄非藉德明燕翼其遂夜郎自大乎嗚呼雖曰偏據亦云偉矣

葬于嘉陵

在賀蘭山元昊稱帝後追號

子元昊嗣十一月授定難軍節度使西平王

元昊時年二十九仁宗命工部郎中楊告爲旌節  
官告使禮賓副使朱允中副之授元昊特進檢校  
太師兼侍中定難節度夏銀綏宥靜等州觀察處  
置押蕃落使西平王告等至興州元昊遷延不出  
迎及見使者猶遙立不動屢促之乃受詔拜起顧  
左右曰先王大錯有如此國而猶臣拜于人耶既  
而享告等于廷設席欲自尊告婉折以禮始以客  
位讓然東屋後有千百人嘖嘖聲告知有異志不  
敢諍也

西夏書事

卷十一

改姓嵬名氏稱吾祖

元昊旣襲封衣白窄衫粘冠紅裏冠頂上獨垂紅  
結綬表異蕃衆復以李趙賜姓不足重自號嵬名  
氏稱吾祖吾祖華言可汗也于是屬族悉改嵬名  
蕃部尊榮之疎族不與焉

按自古僭號之主改姓者二一劉勃勃嫌其祖

從母姓改赫連氏一北魏孝文取拓跋爲土之

義改元氏元昊其有所取耶抑有所嫌也夫襲

封伊始卽改賜姓他時叛逆已兆于此

使如契丹賀應聖節

應聖節法天皇太后生辰也

十二月契丹賜冊為夏國王冊主下令禁之

元昊告哀契丹契丹主宗真以婚好之誼遣宣徽

南院使朔方節度蕭從順潘州觀察使鄭文周持

冊封元昊夏國王賜良馬三十四匹精甲二具以父

明道二年契丹重熙二年

元昊改元顯道

元昊招納亡命申明號令以兵法部勒諸蕃族每

出兵必率部長與獵有獲則下馬環坐而食割鮮

西夏書事

卷十一

十

佐飲各問所見擇取其長因避父諱改中國明道

元為顯道稱于國中

天運紹統元昊改元顯道在景祐元年與宋史異

按

此西夏改元之始嫌名不諱二名不偏諱故

冊臨文無忌焉况正朔之頒大典攸係元昊以父

南二名而輒改之僭端見矣故以改元直書

春正月貢于契丹

下夏使回沿路私市金鐵契丹主下令禁之

禁市金鐵遼史

興宗紀在十二月茲因使貢連及之

三月下禿髮令

元昊欲革銀夏舊俗先自禿其髮然後下令國中使屬蕃遵此三日不從許衆共殺之于是民爭禿其髮耳垂重環以異之

夏四月中國使賜太后遺物

章獻皇太后崩仁宗使供備庫副使李用和持賜

遺留

五月升興州為興慶府遂立官制

元昊自先世併吞西土三十餘年聚中國所賜財無算外倚契丹為援異謀日甚升興州為府改

西夏書事

卷十一

十一

名興慶廣宮城營殿宇其名號悉仿中國所稱故事羌俗以帳族盛大者為長官亦止有蕃落使防

止禦使都押牙指揮使之職至是始立文武班曰中

書掌進擬庶務宣奉命令屬有侍郎散騎常侍諫議大夫舍人司諫等官曰樞密掌

國兵防邊備與中書對持文武二柄曰三司總國屬有樞密同知副使僉書承制等官計應

貢賦之入屬有正使副曰御史臺掌糾察官邪肅使鹽鐵使度支使等官正綱紀屬有御

史大夫御史中丞殿中曰開封府掌尹正畿甸之御史監察御史等官事屬有六曹左

右軍巡使判官左右曰翊衛司司統制訓練蕃衛廂公事幹當等官戍守及侍衛扈從

諸事官有馬步都指揮副都指曰官計司司文武職事員

闕注籍 應選 日受納司 司倉庾貯積及給受等事 日農田司 司倉儲委積平

糶利農屬有司農卿 日群牧司 司內外九牧國馬屬有制置使副使

部監 日飛龍苑 專防護宮城警捕盜賊以武幹 日

磨勘司 司選敘磨勘 日文思院 掌造金銀犀玉金

冊寶 其制多與宋同自中書樞密宰相御史大夫

侍中太尉以下命蕃漢人分爲之而其專授蕃職

有甯令有謨寧令有丁盧有丁弩有素齋有祖儒

有呂則有樞銘皆以蕃號名之 日金神

限 按 西夏書事 職官始此

西夏書事 卷十一 士

別服式

文資則幘頭靴笏紫衣武職則冠金帖起雲縷冠

緋衣金塗銀黑束帶垂蹠蹠穿靴或金帖紙冠間

起雲銀帖紙冠餘皆禿髮衣紫旋襪下垂束帶佩

解結椎短刀弓矢韉馬乘鯢皮鞍垂紅纓打跨鈹

拂便服則紫皂地繡盤球子花旋襪束帶民庶則

衣青綠以別貴賤

按 書西夏服式始此

秋七月遣將蘇奴兒攻西蕃麓牛城被執

吐蕃與夏州數搆兵，响厮囉恐爲所併，屢使人至秦州求內屬。仁宗詔授寧遠大將軍愛州團練使，旋進保順軍節度觀察。留後元昊惡其強，遣令公蘇奴兒將兵二萬五千攻麓牛城。城中兵迎戰，奴

兒敗被執。

九月復攻麓牛城，冬十月破之，屠其民。

元昊聞奴兒敗，自率兵赴援，復攻麓牛。經月不下，遣人詐約和，陰以兵躡其後。俟城開入，據之大殺

居民無遺。李氏長編言元昊屠麓牛城當在景祐二年而趙珣聚米圖經繫之明道二年

西夏書事

卷十一

景祐元年契丹重熙三年元昊開運元年春正月改元

元昊雖仍貢奉，然車服儀衛悉擬帝制。至是策士

楊守素上言：王者神武立功，德威御衆，要必建元

表歲，以示維新。國家累世經營，規模宏遠，猶道中

國舊號，豈足彪炳皇猷？昭示區宇。元昊乃下諭改

顯道三年爲開運元年，大赦國中。

填星犯輿鬼。

占者云：大臣有變。元昊大肆殺戮，車馬圍城。

二月以兵攻府州。

初元昊于沿邊山險之地三百餘處修築堡砦欲以收集老弱並驅壯健爲入寇計邊將領兵驅逐元昊遂激怒蕃衆侵掠府州境而還

按此元昊用兵中國之始

夏五月復攻府州

仁宗詔并代州部署司各嚴兵備

秋七月掠環慶

慶州西七十里爲馬嶺砦砦北十餘里有蕃部殺牛族領族帳二千餘戶負險自固向不附中國元

西夏書事

卷十一

十四

昊令爲前驅掠環慶州境殺戮居人朝廷下詔約束不聽

築白豹城及後橋堡遂犯慶州執都監齊宗矩

白豹東接金湯北鄰葉市與後橋諸砦侵入漢界百餘里阻絕延慶二州經過道路元昊先修白豹已復增築後橋小堡慶州柔遠砦蕃部巡檢崑逋發兵攻破之元昊聲言復仇直犯慶州緣邊都巡檢楊遵柔遠砦監押盧訓以騎七百戰于龍馬嶺不勝環慶路都監齊宗矩走馬承受趙德宣寧州

都監王文赴援次節義峯元昊伏兵以待通事蕃官偵以告宗矩不聽過濠迎戰元昊發伏執宗矩

歸久之始放還

續綱目書趙元昊寇環慶以崑逋攻後橋堡元昊報仇爲目攻宋史

夏國傳自屬兩事又夏國傳元昊稱兵報仇在十月絨母後李氏長編則載在七月茲事分爲兩而

月則

同之

九月有星如太白出東井

色黃赤有尾跡向東沒光照地

冬十月殺逆臣山喜弒母衛慕氏

元昊嗣立尊衛慕氏爲皇太后

王氏東都事畧及李氏長編俱作米

西夏書事

卷十一

五

母氏與宋史不同畢氏續資治通鑑云米與衛聲相近蓋卽一字而譯語互異耳其族人

山喜謀殺元昊事覺元昊沉山喜族于河進酖弒

衛慕氏

宋史夏國傳衛慕氏死遣使來告哀不言元昊酖之也今從李氏長編

遣使

入告哀仁宗以內殿崇班閤門祇候王中庸爲致

祭使兵部員外郎兼起居舍人郭勸爲弔贈兼起

復官告使授元昊鎮軍大將軍金吾衛上將軍員

外置同正員元昊贈遺勸等百萬勸悉不受旣而

元昊復立訛藏屈懷氏爲兀泥兀泥者華言太后

也周禮曰子弑父凡在官者殺無赦當是時元



元昊有覆載不容之罪使宋室有人則當窮治其惡  
正其弑逆之罪春秋之法許世子以不嘗藥而書  
弑况酖其母乎前寇邊不聞有伐叛之師此弑母  
不聞有討罪之舉則是上無天子下無方伯人類  
十變爲禽獸矣噫

十月 按 山喜謀逆沉之宜也不書誅而書殺元昊身  
爲逆臣不以討逆之詞子之也至衛慕氏是其  
生母乃遷怒酖之忍心害理何如乎宋史不書  
十月 茲揭書弑以正其罪

西夏書事

卷十一

七

十一月子甯令哥生

元昊第五娶野利氏出元昊見其貌類已特愛之  
按 元昊爲子弑母而弑父之子接踵而生天道  
人好還何其速也 宜也 不書釁而書誅元昊良

十二月獻馬求經

元昊陰鷙峻誅殺然好浮屠學遣使獻馬五十四  
求佛經一藏仁宗特賜之 謂百外 誅之禍此益甚

西夏書事卷十一終

西夏書事卷十二

青浦 吳廣成西齋

景祐二年

契丹重熙四年

春正月元昊改元廣運

或言開運乃石晉敗亡號故改

宋史夏國傳作改元廣民今從李氏

長

三月遺匿名書于環州

環州知州高繼嵩久任西土以勇敢聞元昊惡之將其遺箭繫以匿名文字言繼嵩已投本國置于延州境上部署司以聞繼嵩不自安表乞還朝右

西夏書事

卷十二

一

司諫韓琦曰繼嵩背義投西元昊果忠于朝廷則當密奏其事何必以遺箭達其叛狀乎其為反間無疑也仁宗命繼嵩勿離所治元昊之計不行

夏五月太白犯填屋

在輿鬼

殺妃衛慕氏

衛慕元昊舅氏女幼孤育于惠慈太后當后被弑

時氏以大義責元昊元昊盡誅其族因氏懷妊幽

之別宮及生子野利氏譖其貌類他人元昊怒并

子殺之

秋七月以兵入環慶

元昊使首領訛遇等率兵數入寇環慶路部署司

以聞

冬十月加中書令

仁宗受尊號加恩內外遣內侍省都知馮從順至

興州進元昊中書令元昊受之益倨

富弼奏狀朝廷累次遣使

元昊多不致恭或故作滯留而不迎或伴為忿遽而見迫或欲負展而對或欲專席而居雖相見之

初暫御臣下之服而送出之後便具帝者之儀

百夏書事

卷十二

二

十一月自將攻西蕃敗唃廝囉將安子羅師還潰于

宗哥河

唃廝囉居邈川以論逋温逋哥亂集兵殺之徙居

青唐城元昊知其衰弱困出兵攻宗哥帶星嶺諸城

進圍青唐唃廝囉遣部將安子羅以兵十萬絕其

後元昊還兵與戰晝夜角鬪至二百餘日子羅方

敗時元昊糧匱士卒飢死者衆至宗哥河半渡子

羅潛使人決水淹之大潰還

王氏東都事畧元昊攻唃廝囉取瓜沙肅

三州宋史夏國傳亦云元昊敗唃廝囉部將安子羅兵取瓜沙肅三州攷元昊與子羅戰在景祐二

年十一月取三州在三年七月瓜州在五代時猶與吐蕃襍處若沙肅二州宋初卽爲回鶻所據二書連敘

遣使入貢

元昊雖反猶歲遣人入貢使者出入民間無禁工

部侍郎韓億請除館舍禮之使官主貿易立羈防

夏使始斂昊滋不類窺其異 呂大弼曰元昊酒

而按 此夏使館市之始 韓鹵甚來 魏繼 魏以奇

十二月復攻西蕃大敗于河湟

元昊憤宗哥之潰并兵臨河湟唃廝囉知衆寡不

西夏書事

卷十二

三

敵壁鄯州不出元昊已渡河插幟志其淺廝囉偵

得之潛使人移植深處及戰元昊潰歸士卒視幟

而渡溺死者大半所失輜鹵甚衆廝囉數以奇計

破夏兵元昊遂不敢窺其境 呂大防曰元昊旣

得甘涼遂有窺隴蜀之志緣唃氏中強不敢復思

進取蓋有以撓其後也 賈勳嘗出入其間無禁工

按 唃廝囉以鹵獲來獻朝議加廝囉節度使樞

密院韓億以爲二虜皆藩臣今不諭令解仇乃

因捷加賞非所以御四夷也議遂寢嗚呼元昊

由寇府州犯環慶執朝廷命官叛狀屢著尙得謂  
最之藩臣乎今不因厮囉兵勢加之節鉞使統諸  
番以披其背及其退居歷精夏勢猖獗急而求

天之無能爲已

景祐三年契丹重熙五年元昊廣運二年春正月還自西蕃

妃索氏有罪自殺

索氏元昊第二娶素無寵元昊攻唃廝囉兵敗訛

傳已死索氏喜日娛音樂益自修容既元昊還懼

罪自殺元昊滅其家

西夏書事 卷十二 四

按索氏畏懼自殺元昊未之罪也書有罪何倫

常之理不以夷狄殊索氏聞夫死而喜罪莫甚

索焉

夏四月羈天竺國進奉僧于夏州

景天竺入貢東行經六月至大食國又二月至西州

又三月至夏州先是僧善稱等九人至京師貢梵

經佛骨及銅牙菩薩像留京三月仁宗賜東帛遣

還抵夏州元昊留于驛舍求貝葉梵經不得羈之

由是西域貢僧遂絕

秋七月攻回鶻取瓜沙肅三州一人說實說一人說  
瓜沙肅諸州本唐歸義軍向陷于回鶻建隆中節  
度使曹元忠以州內附子孫世主軍事元昊引兵  
攻之求援于回鶻不應三州相繼沒于是元昊盡  
有河西之地

按

河西舊屬月支漢分酒泉敦煌兩郡黑山峙

其東北黃河遶其西南地方二千餘里川無蛇  
虺澤無虎兕誠羌戎之都會屯守之要區也歷  
南北朝爲諸涼所據唐大歷中始陷吐蕃宋初

西夏書事

卷十二

五

回鶻得之遂號富強太祖時沙州曹元忠雖舉  
地來歸亦羈縻勿絕而已元昊自涼州盡有其  
地則控制伊西平吞漠北從此用兵中原無後

顧憂矣

嘗謂其交鄰之醜泉源盛兩嶽黑山

九月定兵制

此言經六月至大會國文三月至西

西夏風氣強梗民多耐寒暑忍飢渴而性惡雨雪  
其部族一家號一帳小族數百帳大者千餘帳故  
制年登十五爲丁每有戰鬪隨族之大小出丁助  
陣元昊立制率二丁取正軍一人每負擔一人爲

一抄負擔者隨軍雜役也四丁爲兩抄餘號空丁  
願隸正軍者得射他丁爲負擔無則許射正軍疲  
弱者爲之故壯者得正軍爲多凡正軍給長生馬  
馳各一死則償之團練使以上帳一弓一箭五百

馬一橐馳五旗鼓鎗劍棍棒抄袋兩粘渾脫背索

鐵鏝斤斧箭牌鐵策篙各一曾氏隆平集云凡年六十以下十五以上

皆自備弓矢甲冑而行與宋史夏國傳異刺史以下無帳無旗鼓人各

橐馳一箭三百幕梁一兵三人同一幕梁幕梁織

毛爲幕而以木架之有砲手二百人號潑喜陡立

西夏書事 卷十二 六

旋風砲于橐馳鞍縱石如拳得漢人勇者爲前軍

號撞令郎若脆怯無他技令往守肅州或遷河外

耕作合國內諸州計之總兵五十餘萬曾氏隆平集云趙德

明時兵十萬而已元昊遂踰十五萬自以地廣兵勁敢行叛逆今以宋史夏國傳攷之曾說尙畧

別立揜生軍十萬興靈之兵精練者二萬五千別

副以兵七萬爲資擔另選豪族善弓馬五千人迭

直號御園內六班直分三番宿衛月給米二石每

有事于西則自東點集而西于東則自西點集而

東中路則東西皆集遇敵則虛設砦帳伏兵包敵

後以鐵騎爲前軍乘善馬重甲斫刺不入用鈎索  
絞聯雖死不墜其兵凡三千分十部戰則先出突  
陣陣亂則衝擊之步兵挾騎以進發兵則以銀牌  
召部長面受約束晝則舉烟揚塵夜則篝燈爲候  
出戰率用隻日避晦日資糧不過一旬戰則大將  
居後或據高險弓皮弦矢柳箬中之必貫甲曾氏隆平  
集云夏兵長于騎射不善刀鎗而柳  
弓皮弦遇雨雪則不能施又其所短  
故所向無不  
破也

立軍名

西夏書事

卷十二

七

唐制節度使下刺史亦得掌兵宋懲五代之弊特  
設通判以莅州政其徵調征伐進退軍將仍聽節  
度使表聞德明復自置防禦使職元昊地廣兵衆

因分左右廂立十二監軍司曰左廂神勇

駐天都山曰

石州祥祐

宋史夏國傳神諤克米脂進攻石州意卽其地

曰宥州嘉寧

州

州曰韋州靜塞

州

曰西壽保泰

山北

曰卓囉

和南

北岸曰右廂朝順

彌陀洞曰甘州甘肅

唐

剛丹縣

故地曰瓜州西平

州

曰黑水鎮燕

海城曰

白馬強鎮

州

曰黑山威福

限大澤西北接沙磧



諸軍並設都統軍副統軍監軍使一員以貴戚豪  
右領其職餘指揮使教練使左右侍禁官數十不  
分蕃漢悉任之

冬十月攻蘭州諸羌破之築城于瓦川

元昊既取河西地遂有窺隴蜀之志恐吐蕃諸族  
爲中國用舉兵循阿干河盡破蘭州諸羌南掠地  
至馬銜山築城瓦川會留兵鎮守絕西蕃與中國  
相通路

按瓦川爲西蕃要路蘭州諸羌所藉以通中國  
西夏書事 卷十二 八

者元昊作城戍守于是唃廝囉諸族隔在塞外  
聲勢不復相聯書以惡之

十二月誘西蕃叛唃廝囉

初唃廝囉娶李立遵女生二子曰瞎毡曰摩角毡  
又娶喬氏生子曰董毡立遵死李氏寵衰斥爲尼  
錮之廓州瞎毡等結母黨李巴全竊載其母出奔  
瞎毡據河州摩角毡據邈川撫有其衆唃廝囉不能

制元昊聞二子怨其父陰以重賂間之且誘諸酋

歸附有温逋哥子一聲金龍  
温逋哥本唃廝囉論逋  
論逋者相也温逋哥

作亂被殺擁衆萬餘叛附元昊結爲婚姻厮囉勢蹙更

與喬氏西徙歷精城高承年元符隴右日錄元昊既行賂間厮囉二子遂舉兵

數犯宗哥及破麓牛城厮囉勢折西徙青唐與趙玗聚米圖經異

景祐四年契丹重熙六年元昊大慶元年春正月始制蕃書

改元秦書想乘書對本書樹葉書跋

元昊善繪畫明律法史言其案上常置法律書通蕃漢文字能

創製物始嘗以己意造蕃書令謨寧令野利仁榮

演繹之新唐書慶州蕃落有野利氏族五沈括筆談元昊叛其徒野利遇乞先創造蕃字獨

居一樓累年方成至是獻之與宋史夏國傳異成十二卷字形方整體類

西夏書事 卷十二 九

八分曾氏隆平集及李氏長編謂其字形屈曲如符篆而畫頗重複教國

人用以紀事群臣上表獻頌遂改廣運三年爲大

慶元年

按西域書多異文有驢脣書蓮葉書節分書大

秦書馱乘書犍牛書樹葉書起屍書石旋書覆

書天書龍書鳥音書凡六十四種元昊所造或

亦類是然自是以後國中紀事悉用蕃書歷二

百餘年不復改正夏史失傳良由于此書惜之

也

夏五月升州郡益邊防

元昊既據夏太平寰宇記漢朔方郡晉亂為赫連氏所據築統萬城曰夏州後魏置宏

化郡唐貞觀初平梁師都改夏州都督府領夏綏

銀三州中和中賜名定難軍入于李氏今甘肅寧

夏銀州陝西通志漢西河郡圍陰縣周武定中置銀

海州隋大業二年廢唐貞觀二年平梁師都重

置銀州中和中入于綏太平寰宇記漢雕陰縣地

李氏今陝西葭州界後魏置綏州唐置總管府

後屬夏綏銀節度中和中綏太平寰宇記漢雕陰縣地

入于李氏今陝西綏德州有陝西通志取寬宥為

置天寶中改為寧朔郡乾元二年復為宥州寄理

于經畧軍蓋以地形居中可以總統蕃部實應後

遂廢元和九年復置屬夏綏節度靜隋為宏靜縣

唐末入于李氏今在榆林府西界靜圖經云宏靜

本漢城居河外三里乃北魏薄骨律鎮之倉城也

太平寰宇記云唐神龍初改為安靜至德元年又

西夏書事

卷十二

改保靜後升為州漢乾祐中屬靈一統志秦北地

定難軍今寧夏府東南靈州界靈郡後魏孝昌二

年置靈州陸恭之風土記云朔方故城太和中改

沃野鎮後周置普樂郡隋大業三年改為靈武郡

唐為靈州又為靈武郡開元中置朔方節度使五

代為朔方軍治宋咸平中入于夏今甘肅靈州府

鹽太平寰宇記西魏廢帝二年置隋改鹽川郡唐

城之名鹽川府又名保塞軍又曰鹽會甘肅通志

州在靈州北三百里今定邊營是會云漢武威

郡西魏置會州隋開皇十六年置會寧縣屬平涼

唐武德二年平李軌置新會州廣德後沒于吐蕃

宋初亦曰會州雍熙中沒勝郡漢王莽改曰受降

于夏今為蘭州府靜遠縣勝郡漢王莽改曰受降

屬并州漢末大亂其地遂空自晉末迄于周代置

鎮不立郡縣隋開皇中置勝州唐初沒于梁師都

貞觀三年復之宋咸平中甘一統志云漢張掖郡

沒于夏今在榆林府北界西魏更名涼州後周

西夏書事

卷十二

復置張掖郡隋開皇初廢唐武德二年李軌平復  
 改甘州屬河西道永泰二年陷于吐蕃大中為  
 回鶻所據宋天聖中夏涼一統志云本漢武威郡  
 取之今為甘肅甘州府涼元封五年置涼州都刺  
 史統之魏文帝始名涼州北魏改州為鎮太和十  
 四年復置涼州廣德中陷于吐蕃一統志云漢敦  
 年復置涼州府今為涼州府瓜  
 宋初置西涼府今為瓜州尋沒于吐蕃五代時瓜  
 州併入涼興縣唐置瓜州尋沒于吐蕃五代時瓜  
 州與吐蕃雜處曹義金遣使入貢宋天聖中入于  
 夏今為甘沙古西戎地陝西通志春秋時謂之瓜  
 肅安西衛沙州左傳允姓之戎居于瓜州是也漢  
 屬敦煌郡周置鳴沙縣隋大業初復置敦煌唐武  
 德五年復置西沙州貞元後沒于吐蕃宋初為回  
 鶻所據太宗時曹元忠以州歸于肅古西戎地一  
 宋景祐中入于夏今甘肅沙州衛肅古西戎地一  
 狩二年開置酒泉郡隋初郡廢仁壽二年置肅州  
 唐屬隴右郡大歷元年陷于吐蕃宋初回鶻據之

景祐中入于夏諸州立國而以石堡洪門諸鎮升  
 今為甘肅肅州

為洪甘肅通志云舊洪門鎮唐邠寧節度使張獻  
 甫所築夏號洪州今甘肅寧夏府寧朔縣界

威鄭文寶奏議威州在清遠軍西北八十里樂山  
 之西唐大中時靈武朱叔明收長樂州邠寧張

君緒收六關即其地也龍甘肅通志云本延州西  
 今為靈州西北威振堡龍石堡鎮至道中入夏號

龍州今在靈定唐軍名元和志及通典云靈州有  
 州平羅縣界定遠城在州東北二百里黃河外

俗呼為田州先天二年郭元振置新唐志又名警  
 州宋初置定州咸平中入于夏今在靈州東北新

渠縣四州又以肅州為蕃和郡甘州為鎮夷郡置  
 界

宣化府東盡黃河西界玉門南接蕭關北控大漠

地方萬餘里倚賀蘭山為固料兵設險以七萬人

護衛興慶五萬人鎮守西平五萬人駐賀蘭山左

廂宥州路以五萬人備廊延有克胡山昇平塔那娘山諸路以烏延口

藏底河界臺為界埃內包杏有屈野川太和谷子河白洛菴羅兀嶺等險要麟有麻也娘諸路以饒

神堆澤荒堆三泉等險要府有端正平榆木川昇囉嶺諸路以福

柞嶺青沒怒川浪骨堆為界埃旁約吳右廂甘州

路以三萬人備西蕃有揆丁原莊浪族喬家族諸路以麻宗山乳酪河為界埃

內包斫龍川回紇有合黎山浚稽山居延塞諸路以牛頭朝那山為界埃內包張

披敦煌等地自河南洪州白豹安鹽州至羅洛天都惟

精山等處以五萬人備環有陷道口打米谷糞毛菴烏丁原諸路以牛圈

西夏書事 卷十二 十一

裏羅節視為界埃內慶有西嚟略駝巷萌門三岔諸路以勒崖原為卓望

王尙原裏乾谷為界埃旁約蒼雞鎮戎軍有吃囉七逋多移塔通祖盧門城等地

城殺獐川諸路以劈通流枏施嶺為界自河北至

午臘莧山李氏長編作臥囉娘山吳興祚方輿紀要元吳河南曰鹽州路北曰安北路

與宋史夏以七萬人備契丹黃河為界埃內包唐

隆鎮沒兒雀悉命而禦邊善戰尤倚山訛山訛者

橫山羌田况奏議山界人民繁庶元吳入寇則料率糧糗多出其間山界之民引弓甚勁夏

人謂之平夏兵不及也

書西夏地理始此

秋七月更定禮樂

夏州沿党項蕃俗自赤辭臣唐始習尊卑跪拜諸儀而其音樂尚以琵琶擊缶為節僖宗時賜思恭

鼓吹全部部有三駕大駕用一千五百三十人法

駕七百八十一人小駕八百一十六人俱以金鉦

節鼓攔鼓大鼓小鼓鐃鼓羽葆鼓中鳴大橫吹小

橫吹膚栗桃皮箛笛為器歷五代入宋年隔百餘

而其音節悠揚聲容清厲猶有唐代遺風迨德明

內附其禮文儀節律度聲音無不遵依宋制元昊

西夏書事

卷十二

三

久視中國為不足法謂野利仁榮曰王者制禮作

樂道在宜民蕃俗以忠實為先戰鬪為務若唐宋

之縟節繁音吾無取焉于是于吉凶嘉賓宗祀燕

享裁禮之九拜為三拜沈括筆談云元昊令國中悉用胡禮即此革樂

之五音為一音王鞏聞見近錄云增五音為六與夏臺事迹異令于國中

有不遵者族

按書西夏禮樂始此

冬十一月設蕃漢二字院續曰惠故晉尊卑說我

元昊既制蕃書尊為國字凡國中藝文誥牒盡易

其秩與唐宋翰林等漢字掌中國往來表奏中書  
漢字旁以蕃書並列蕃字掌西蕃回鶻張掖交河  
一切文字並用新制國字仍以各國蕃字副之以  
國字在諸字之右故蕃字院特重  
寶元元年契丹重熙七年夏大慶二年春正月朔日有食之  
夏于是元昊僭謀益急

表請供佛五臺山

元昊使人往來中國熟悉邊臣因循之勢久思攻

西夏書事

卷十二

十四

取河東是時欲識進兵道路表請供佛五臺乞使  
臣引護并給館券仁宗從之

夏四月興平公主卒

賣公主素與元昊不睦先是元昊遣使貢于契丹不  
以病告既卒契丹主遣北院承旨耶律庶成持詔  
詰問

按此契丹西夏開隙之始異日幽州之師集而

其不發其以此夫

秋七月盟諸蕃于賀蘭山謀攻鄜延

元昊入貢路由鄜延久謀取之特以部下諸蕃向背不齊未敢猝動迨使人自五臺還知河東備禦完固悉會諸族豪酋于賀蘭山坡與之盟各刺臂血和酒置罽氈中共飲之約先攻鄜延自德靖塞門赤城路三道並入諸酋有諫者輒殺之兵將發或言未建大號不足以服衆乃復止

九月左廂監軍山遇內奔至延州被執

山遇名惟亮元昊從父也與弟惟永分掌左右廂兵其從弟惟序亦親近用事元昊數窺邊山遇諫

西夏書事

卷十二

五

曰中國地大兵多關中富饒環慶鄜延據諸邊險要若此數路城池盡修攻守之備我弓馬之技無所施牛羊之貨無所售一二年間必且坐困不如安守藩臣歲享賜遺之厚國之福也元昊不聽心惡其不從已語惟序曰汝首山遇反吾以山遇官爵與汝不然俱族滅矣惟序不忍更以告山遇山遇欲內降惟永曰南朝無人不知元卒所爲將不信兄兄必交困山遇曰事至此不得已也若南朝有福則納我矣遣人持語敕詣金明巡檢李士彬



所欲自將兵扼黃河南渡發部落內屬入告其母  
獨孤氏母曰汝自爲計我年八十餘不能從汝去  
爲汝累當置我室中縱火焚之山遇等涕泣如母  
言挈其妻野利羅羅

司馬光日記云韓周言  
山遇妻李氏先自殺誤

子阿

遇及親屬二十二人以珍寶名馬內奔是月至保

安軍知軍朱吉以告知延州郭勸勸與鈐轄李渭

議自德明納貢四十年有內附者未嘗留因遣山

遇還山遇不可渭等疑其詐令人執之山遇與惟

永惟序等號哭稱冤勸等不聽命監押韓周將兵

西夏書事

卷十二

六

衛送于夏州

按山遇手掌西夏軍攻其初至延州時卽言元

昊精兵纔八萬人餘皆老弱不堪戰鬪蓋深悉

國中虛實者若留以爲西蕃屏翰則用其手足

制其腹心較之中朝將佐冒昧操戈其效當不

啻倍蓰乃遣使執送不特阻戎人向化之心而

宋室寡謀早被元昊窺見一斑矣

山遇還至宥州殺之

元昊恐山遇入漢率師來討自將兵出駐宥州部

署蕃族爲禦敵計會韓周送山遇至與元昊見于  
鐸移坡元昊衣錦袍黃綿胡帽不肯受曰延州誘  
我叛臣我今引兵問罪當于知州廳前受之周說  
諭良久始聽遂集從騎射殺山遇父子山遇有勇  
畧其死也國人哀之元富弼曰西界地多帶山馬  
能走險瀚海彌遠水泉不生王旅徂征軍需不給  
窮計則遁匿退保則襲追以逗撓爲困人之謀以  
遲久爲匱財之計元昊恃此險阻敢肆猖狂復知  
先朝屢次兵征終棄靈夏今其自負強盛有逾往  
時而爲之羽翼者又皆狡焉多謀憤然思逞山遇  
雖欲遏之得乎然其一心向化爲庸奴所敗遂致  
身死族滅遇亦窮矣

西夏書事

卷十二

七

冬十月元昊稱帝建國號大夏改元天授禮法延祚

元昊稱兀卒已數年兀卒者華言青天子謂中國  
爲黃天子也至是與野利仁榮楊守素等謀稱帝

號于是月十一日築臺興慶府南徐午一統志表

建國稱帝尋徙州遂廢是受冊卽皇帝位改大慶

二年曰天授禮法延祚元年以野利仁榮嵬名守

全張陟張絳楊廊徐敏張文顯爲中書樞密侍中  
等官專主謀議以楊守素鍾鼎臣鬼名聿榮張延  
壽爲官計受納諸司主文書以野利旺榮野利遇  
使乞成逋克成臥移賞多如定多多馬寶維吉分駐  
十三監軍司地主兵馬其餘拜授有差

上諡號

元昊令羣臣奉冊諡祖保吉日神武皇帝廟號太  
祖妣野利氏曰順成懿孝皇后父德明日光聖皇  
帝廟號太宗妣衛慕氏曰惠慈敦愛皇后己立妃

西夏書事

卷十二

六

野利氏爲憲成皇后子甯明爲皇太子  
十月月祀神西涼府遂不遣賀郊人使  
元昊遣潘七布昌里馬乞點兵集蓬子山自詣西  
涼府祀神時中國南郊故事諸藩有貢元昊因自  
帝不復使賀仁宗詔陝西河東舊與元昊界互市  
者所在禁絕之

書

書

西夏書事卷十三終

西夏書事卷十三

青浦 吳廣成西齋纂

寶元二年

契丹重熙八年

夏天授禮法延祚二年春正月遣

使以稱帝入告

元昊遣樞密使御史大夫等官奉表抵延州郭勸等以表函尚稱臣令韓周伴送入京至東華門始去本國服至殿呈表畧云臣祖宗本出帝胄當東晉之末運創後魏之初基遠祖思恭于唐季率兵拯難受封賜姓祖繼遷心知兵要手握乾符大舉

西夏書事

卷十三

一

義旗悉降諸部臨河五郡不旋踵而歸緣境七州悉券肩而克父德明嗣奉世基勉從朝命夏主之號夙感于頌宣尺土之封顯蒙于割裂臣偶以狂斐制小蕃文字改大漢衣冠革樂之五音裁禮之九拜衣冠既就文字既行禮樂既張器用既備吐蕃塔坦莫不稱臣張掖交河咸甘稽首稱王則不喜朝帝則是從輻輳是期山呼齊舉伏願一抔之土地建爲萬乘之邦家再讓靡遑羣集又舉事不獲已顯而行之遂以十月十一日郊壇備禮爲世

祖始文本武興法建禮仁孝皇帝

王鞏聞見近錄  
寶元中元昊始

遣介稱教練都使乞于其國  
中稱兀卒與宋史稱帝事異

國稱大夏建元天授

伏望皇帝陛下睿哲成人寬慈及物許以西郊之

地冊爲南面之君敢竭庸愚常敦歡好魚來雁往

任傳鄰國之音地久天長永鎮邊方之患至誠瀝

懇仰俟帝俞謹遣弩涉俄疾你斯悶臥普令濟鬼

伽崖孛奉表詣闕以聞朝廷却其所獻馳馬猶善

遇使者使者臨行不肯受詔及所賜物而還富

弼曰元昊反狀素彰表詞犯順故其使介赴闕偏

西夏書事

卷十三

二

強少馴以不辱君命爲有才以能抗中國爲善策

朝廷若察其敢來之意伐其所叛之謀存之適以

遂其奸誅之足以喪其魄立行羈執盡肆市朝事

旣乖其本心勢將行吾所令于此赫然震怒或發

兵聲討或命將備邊上則可以示中國不測之威

下則可以杜奸宄好亂之漸戰士必爲之增氣戎

人且憚而失圖豈不韙哉豈不快哉

二月白豹砦都指揮使裴永昌內奔

柔遠砦蕃官珪鬼招之以降仁宗詔補三班借職

本族巡檢兼管...

夏四月遣使購中國官人以博麻...

初仁宗放宮人二百七十名李氏長編作二百七人今從宋史悉

任所之元昊陰以重幣購得數人納諸左右于是

戰朝廷刑賞宮闈陰事纖悉具知

五月定朝儀...

宋承唐制以元日五月朔冬至行大朝會禮羣臣

上壽設宮縣萬舞其常朝儀百官入赴文德殿正

衙日常參五日起崇德殿日起居元昊僭謀陰蓄

西夏書事 卷十三 三

使介往來久悉中朝典故至是于正朔朝賀雜用

唐宋典式而見官屬以六日為常參九日為起居

均令蕃宰相押班百官以次序列朝謁舞蹈行三

正拜禮有執笏不端行立不正趨拜失儀者並罰

建蕃學...

夏州自五代後不列職方其官屬非世族相傳即

幕府遷擢尚無科目取士之法元昊思以胡禮蕃

夏書抗衡中國特建蕃學以野利仁榮主之譯孝經

爾雅四言雜字為蕃語寫以蕃書于蕃漢官僚子

弟內選俊秀者入學教之俟習學成效出題試問  
觀其所對精通所書端正量授官職并令諸州各  
置蕃學設教授訓之賞錢十萬西界蕃薊州員

西蕃唃廝囉攻涼州首領蕃對攻鞏州賞錢一

唃廝囉西徙中阻瓦川城不復通中國仁宗遣左

侍禁曾經自古渭川抵歷精城加廝囉保順節度

邈川大首領使背擊元昊廝囉出兵四萬五千襲

西涼守將遣兵禦之不得進殺游邏數百人聲言

豈圖再舉然卒不能也元昊攻西涼

西夏書事

卷十三

四

遣諜誘蕃漢民六月削賜姓官爵

元昊慮中國兵臨潛使人出入諸邊刺探機事並

煽誘蕃漢歸附仁宗下詔削奪賜姓官爵

宋敏求  
春明退

朝錄趙德明歸款真宗賜以宗姓不附屬籍晁文

元草制云奕世荷殿邦之德舉宗聯命氏之榮而

宋史仁宗紀云六月壬午削趙元昊揭榜于邊募

官爵除屬籍誤茲依商氏續綱目

人能擒元昊若斬首獻者授定難節鉞賞錢二百

萬能捕所遣刺探者賞錢十萬西界蕃漢職員能

帥族內順者等第推恩李燾曰呂氏家塾記云  
許公在大名時聞朝廷降此詔驚曰謀之誤矣立

削奏曰前代方鎮叛命如此詰誓則有之非所以御戎狄也萬一有不遜語得無損國體乎朝廷議改未及果有嫚書事

秋七月授延州人劉重信環州刺史

重信世居延州聞元昊稱帝往投授環州刺史改名奇徹令其招誘延州諸部屬羌尋爲金明都監李士彬捕得送京師伏誅

八月請置權場于延州

延州逼近夏國蕃漢素相熟習元昊以保安軍舊

西夏書事

卷十三

五

市奉詔禁止遣使請于延州再建權場意在脇制中國也仁宗不許

九月置尙書令設十六司

元昊以中書不能統理庶務仿宋制置尙書令攷百官庶府之事而會決之又改宋二十四司爲十六司分理六曹于是官制漸備

冬十一月寇保安軍不克

夏國與鄜延環慶涇原毗接其環慶路邊砦排密近者三十里遠者四五十里列據要害蕃部素不



知其山川道路兼有宿將劉平趙振等爲之守禦  
其涇原路有鎮戎軍渭州城兩處壁壘堅固屯兵  
亦衆所置蕃落弓箭手甲騎精強而西蕃瞎毡據  
河州牽制兵勢所以元昊不輕犯其境惟鄜延地  
濶砦疎自承平至安遠約二百里自長寧至黃河  
一百里並無城砦土兵寡弱元昊嘗以金幣王爵  
誘保安軍諸族巡檢劉懷忠懷忠毀印斬使元昊  
怒黥其軍作五頭項每頭項作八溜共四十溜脅  
降屬戶悉壞沿邊籬落七百里中兵烽不絕逕攻

西夏書事

卷十三

六

保安軍懷忠出戰敗死鄜延鈴轄盧守勤急使巡  
檢指揮使狄青將兵拒之青臨陣披髮帶銅面具

往來奮擊元昊知不敵解圍退

元昊寇保安司馬光稽古錄在十三

月而范雍疏

趙珣曰是役也元昊棄下攻城之

具極多然觀其器極拙鈍不堪用蓋欲邊將見之  
疎其備也

復圍承平砦十二月環慶官兵攻後橋堡及十二盤

乃還

先是元昊爲金銀冠佩陰飾甲騎以遺屬羌約爲

內應知環州趙振潛以金銀誘取之得冠佩銀鞍  
三千甲騎數百使告鄰郡俾以環州爲法不聽手  
是東陵萬劉諸族勝兵數萬元昊皆誘而有之時  
攻保安不克退圍承平若若將出戰捨之掠軍民  
甚衆鄜延部署許懷德兵馬都監張建侯率勁卒  
千餘突圍奮擊元昊令一驍騎出陣前據鞍嫚罵  
懷德引弓一發仆之兵士皆駭走李氏長編云承平所以不敵乃  
許懷德之力而范雍疏內稱元昊相持六日聞環  
慶鈐轄高繼隆同知慶州張崇俊領兵入界拔後

西夏書事

卷十三

七

橋堡

李氏長編云破後橋堡實錄載于明年正月十七日蓋記其行賞耳司馬光稽古錄記在

是年十二月趙珣聚米圍經在十一月據范雍論諸路出兵牽制則聚米圍經當得其實淮安

鎮都監劉政走馬承受石全政破蕩吳家等族盛  
兵截十二盤口恐歸路斷引還

閏十二月遣賀永年置嫚書於歸娘族

元昊素知契丹使者入南朝倨傲殊甚故遣使輒

選強辨有智盛其騎從使之當廷抗對肆行偏強

富弼奏疏元昊遣使全擬虜廷都伍甚雄辭禮俱充觀其勇悍難制強辨自高若非使者請行卽是元昊選任以能揣國情爲智以不辱使中國每優  
命爲賢必謂莫敢加諫得以恣其個強

容之及稱帝表至朝臣請誅使者尚書左丞程琳  
曰遣使常事也殺之不祥後使來益驕或議因使  
者入傳舍壞垣斃之琳曰前不殺無罪也今既驕  
橫法當死因暴其罪誅之于是元昊不復遣使用  
楊守素言遣賀永年于是月

元昊媾書宋史仁宗  
紀不詳夏國傳則在

六月削元昊賜姓後考夏臺事迹元昊媾書  
稱天授禮法延祚元年十二月蓋此年末也

賈媾

書納旌節告勅及所得勅榜置神明匣留歸娘族  
境上延州上其書畧曰持命之使未還南界之兵

早動漫于鄙延麟府九處入界

李燾云媾書言邊  
兵九處入界實錄

西夏書事

卷十三

八

正史不  
詳當考

未聞涇原環慶一旅凱旋又曰南兵善走

棄下旗鼓刀鎗甚多我將出奇殺却漢蕃軍吏兵  
民不少又曰既先違誓約又別降制書誘導邊情  
潛謀害主諒非聖意有偏必皆公卿異議有失宏  
規全忘大體又曰蕃漢各異國土迥殊幸非僭逆  
嫉妬何深況元昊爲衆心之所推循拓拔之遠裔  
爲帝圖玉有何不可又曰鬼伽回將到詔書與界

首張懸勅旨不同言不由衷人真無信又曰元昊  
與契丹姻親有素炎宋與契丹玉帛久馳倘契丹

聞中朝違信嫚言亦遣全師請罪西北交困廟算  
何施又曰伏冀再采菲言深詳微懇回賜通和之  
理薦行結好之恩尾稱天授禮法延祚元年冬十  
二月書史臣曰元昊妄肆逆謀慮下不從上此  
嫚書規得譴絕以激怒其衆時著作郎張方平請  
順適其意使無由猝發得歲月之頃以其間選將  
勵士堅城除器爲不可勝以待之雖終于必反而  
兵出無名吏士不直其上難以決勝小國用兵三  
年不勝必折我以全力制其後必勝之道也時天  
下全盛皆謂其論出姑息決計用兵遂致西州重  
困惜哉

西夏書事

卷十三

九

誘鄜延都監李士彬士彬執使人斬之

元昊爲書以錦袍金帶投金明縣境上

宋史范雍傳元昊引

兵數萬破金明砦周美傳康定初美請修金明砦  
通鑑諸書仍之考地理志熙寧五年省金明縣爲  
砦則仁宗時不  
當以砦稱也約士彬同叛候人得之諸將皆疑

鄜延副都部署夏隨曰此夏人行間耳士彬與羌  
世仇若有私約通贈遺豈使衆知耶召士彬與飲  
厚撫之士彬感泣誓立功自効已而元昊潛使人

入金明誘士彬曰果約降當富貴與共士彬斬使  
縱從者還報士彬繼周子也

遣使入鄜延請和

元昊遣供備庫使毛迎啜已至鄜延境上賫表請  
和辭甚悖慢中國不從遂激衆曰吾求罷兵而南  
朝不許柰何于是衆怒戰益奮

殺蕃族吹同乞砂等家

乞砂西蕃首領與弟吹同山乞各率族兵于蕃界  
揜夏官內奔元昊追之不及盡誅二人家屬乞砂

西夏書事

卷十三

十

等至中國授三班奉職繼擢左千牛衛大將軍各  
賜帛三十疋茶三十勛使還本族捍御

乞砂陞擢  
在康定元

年二月庚子  
茲并書之

附 楊偕奏議閣門祇候王文恩入西界爲夏所

敗士兵皆竄惟東兵二百人捍拒射殺夏兵甚

多據李氏長編列偕疏于寶元二年末或移見

明年二月偕自河中徙陝時疏中言卽近事而

是時宋兵入夏紀傳皆不載

康定元年

契丹重  
熙九年

夏天授禮法延祚三年春正月朔

日有食之

日西先有一珥楊守素曰此吾軍勝象也力請元昊取延州

破金明縣執都監李士彬

元昊誘士彬不得使蕃部詐降士彬白知州范雍請徙置南方雍不可賞以金帛令隸麾下於是降者絡繹分置諸寨甚眾元昊又令將士與士彬遇輒不戰而退曰我等聞鐵壁相公名莫不膽墜地也士彬聞之氣益驕一日縱兵自保安軍土門路

西夏書事

卷十三

十一

入聲言取金明

魏泰東軒筆記云康定中元昊入延州東路安遠承平兩砦又以兵

犯西路聲言將襲保安軍故延州發兵八萬支東西二隅而元昊乃乘虛由北路襲金明士彬

嚴兵待夜分不至釋甲而寢翌旦兵大入降者執

士彬及子懷寶以獻

趙珣聚米圖經云元昊本舉兵趨延州延州悉發兵捍東

西二路士彬所部兵既分保極邊小砦但以數千人屯黑兒砦夏兵併入中路眾寡不敵一日問三十餘砦盡破士彬父子俱死又司馬光記聞云夏人入寇范雍令士彬分兵守三十六砦士彬子懷寶諫曰今當聚兵禦寇分則勢弱不可支也士彬不聽懷寶遂戰死士彬急使其心腹赤定軍主以珠帶示母妻使逃母妻策馬走延州范雍不信使人詢之皆為夏人所擒又云元昊得士彬割其耳而不殺後十餘年乃卒與宋史夏國傳異

陳仁錫曰士彬世守金明

部兵十萬延州號鐵壁相公專使控扼中路元昊使軍吏詐降怯戰以驕其氣又知士彬馭下嚴士心不悅輒以金匱誘其所部渠帥及兵大入降者內應左右以弱馬韉士彬并其子致之元昊抑何畧也

按金明志邑舊砦三十六胡兵十萬人其北百里間有塞門安遠栲栳三砦洵延州之保障熟

戶之藩籬也士彬貪而無智常誘趙山遇內奔侵沒其珍寶萬數致陷山遇以死元昊之計取

西夏書事

卷十三

三

百端非獨金明有必爭之勢亦與士彬有不解之寃也

附 韓琦安陽集元昊侵鄜延熟戶李士彬及米

知順李思等族俱爲之降且攜據李氏長編米

知順係保安熟戶其降虜月日未見李思并不

分掠安遠永平諸砦不克

安遠居極邊元昊兵破其門再重至第三門監押

邵元吉繼軍士奮擊拒守累日衆乃退永平砦主

初欲歛兵避山中指揮史吉率所部遮城門請欲  
何之若主以謀告吉曰如百姓芻糧何且異日爲  
有司所劾罪當死請先斬吉馬前不敢從行也若  
主慙而返吉登陴力拒城得以全西

進攻延州敗官兵于三川口執副總管劉平等西  
初元昊將攻延州使衙校賀真至州言欲改過歸  
命范雍喜禮真歸之遽以上聞不復設備及金明  
破元昊得士彬帳下蕃兵數萬驅之逕薄延州州  
夾河爲兩城雉堞卑小兵士登九州臺瞰城中如

西夏書事

卷十三

三

畫攻圍甚急時副都部署石元孫領兵在外守城  
者纔數百人鈐轄內侍盧守勤對雍號泣謀遣都  
監李康伯通欵康伯寧死不肯行雍急召鄜延副  
總管劉平于慶州平督精銳合元孫兵晝夜倍道  
進而前至萬安鎮平先發元孫繼進夜至三川口西  
十里止營遣騎兵先趨延州爭門平與鄜延都監  
黃德和巡檢万俟政結陣東行方五里元昊預爲  
偃月陣待之復令步兵涉水爲橫陣衝擊官軍不  
勝復蔽盾而前令驍將揚言獨當裨將郭遵遵揮



鐵杵碎其腦兩軍皆奮呼搏擊劉平右頸左耳碎  
中矢元昊知平受傷日暮以輕軍進薄官軍不能  
禦黃德和先走衆大潰遵持大稍橫突之元昊見  
不可敵使人持綯索立高處迎遵馬輒爲所斷因

縱使深入攢矢注射馬中矢仆地殺之

王向記答  
言遵舍軍

親造黃德和壁趣救兵德和不從還與夏兵戰坐  
下馬被射死步行殺數人走東原大崖下趨環州  
聞德和已斬死事者皆得  
封遂匿不敢出其說異平率餘衆退保西南山

立七柵自固夜元昊使人叩寨問主將安在平戒  
軍士弗應復使人假爲戍卒遞文移者平殺之抵

西夏書事

卷十三

古

四鼓環營大呼曰如許殘兵不降何待平旦又使  
人呼曰汝降乎不然當盡死平卒不應元昊舉鞭  
麾騎自山西出截官軍爲二大敗之執平與元孫  
等會雨雪兵士弛備聞麟州都教練使折繼閔柔  
遠若主張岳襲破浪黃黨見二族軍主敖保被殺

并代鈐轄王仲寶以兵入賀蘭谷蕃將羅逋又敗

于長雞嶺乃解圍

范雍墓誌云二帥陷沒城中大  
恐無可守之勢雍曰延安西夏

之咽喉不守則關輔皆危今人力竭矣城南有嘉  
嶺山其神素靈乃望而禱之是夕陰晦雨雪犬下

夏兵暴露不知所爲

乃引去其說近誕魏泰曰劉石之援延州也

兵抵大柳樹去州二十里日向夕忽有來使宣牋云范太尉已候城之東門然暮夜納衆恐透漏奸細請寯放人馬庶辨真偽也二將信之下馬據胡床躬撥隊伍每十隊行及五里許又放一隊至更餘約放五十隊矣二將顧問來使忽失所在心知有變遂整陣而前至五龍川去延州纔五里忽四山鼓角雷鳴埃煙斗合蕃兵墻進倏忽之間已陷重圍蓋夏人前一夕偷號入金明先斷東北路以致二將于覆中計亦狡哉

西夏書事

卷十三

五

按西界與兵之後境內生聚牛羊皆遷徙遠匿重其守備族帳僅老弱耳然官軍入界遇之輒奔還不敢一戰若延州之寇夏人大寨在城北五里五龍川口其後隊直接魚家庄去州二里較其衆約十餘萬平等以八千人赴援謂其下曰義士赴人之急蹈湯火若平地況國事乎蓋明知勢有不敵而勇於公義奮不顧身不得以身入重地訾其無識也

附李氏長編康定元年三月戊午原州乾興砦

主李繼明監押孫佖並拔脊刺配沙門島由夏  
人圍鎮西堡坐不卽救援也攷宋史夏國傳元  
昊是時尚未入涇源鎮西之圍紀傳無考長編

疑誤

附

王闢之澠水燕談錄康定中趙元昊旣擄劉

平遂約吐蕃毋得與中國陰相爲援朝廷患之

使尙書屯田員外郎劉渙至青唐諭以恩信攷

宋史唃廝囉傳元昊反使侍禁魯經持詔諭廝

囉使背擊元昊旣元昊屢寇邊仁宗復遣經經

西夏書事

卷十三

十六

固辭于是渙應詔往並無元昊約和吐蕃事

附一統志涼州平番縣北六十五里岔口之東

偏有古荒地云宋康定初夏趙元昊築城于此

以拒西蕃兵攷夏臺事迹及宋史夏國傳此事

不得其詳

蘇軾燕巖集涼州中賦元昊洮離

蘇軾曰義士赴人之急而身死於地

吳玠都帥未入涇源鎮西之圍蘇軾燕巖集

入涇源西堡坐不卽救援也宋史夏國傳

西夏書事卷十三終

蘇軾燕巖集涼州中賦元昊洮離

西夏書事卷十四

青浦 吳廣成西齋 纂

康定元年

契丹重熙九年

夏天授禮法延祚三年夏四月西

蕃磨唃毡謀攻涼州

磨唃毡與父唃廝囉猜阻雖各治一城別立文法

然終不能統攝諸蕃寶元中中朝欲兼撫之命為

順州團練使磨唃毡感恩上表言有兵二萬願取

西涼請遣使護仁宗詔嘉之

五月取塞門砦執砦主高延德遂破安遠諸砦

西夏書事

卷十四

一

塞門蕃部舊址在蘆子關南距金明二百里向屬

夏州淳化中金明守將李繼周開治塞門鷓兒兩

路建砦其地然與延州相距路無人煙一水屈曲

涉渡五十七處勢殊孤絕元昊于二月中自延州

退兵金明遣首領約遇沒兀等部蕃騎七百餘在

塞門旁近駐泊已率大眾攻之砦中兵纔千人堅

守五月屢告急於鄜延總管趙振遣百餘人來

援趙振別傳元昊圍塞門有軍士趙議士歸延州言元昊嘗殺犬與延德誓使為內應振信之故

不敢救與宋史振傳異元昊盡殲之聲言中國已棄此砦力

破之殺兵馬監押王繼元執砮主內殿承制高延

德悉取其糧草器甲

畢氏續資治通鑑云據洮水記開振移書延德言可守則

守不可守宜拔兵民以歸延德城守半載振卒不救乃率眾棄城夏兵據險邀之與眾俱沒李氏長編頗采之然長編於五月甲子但書元昊陷塞門執延德不書棄城走宋史趙振傳亦不載移書事

乘勝圍安遠天風雨路泥淖蓬蒿深没人膝元昊

慮延州援師至伏兵渾州州以邀歸路安遠失援

亦破於是分兵旁取栲栳黑水等砮五龍川一帶

邊戶焚掠殆盡

宋史夏國傳夏人攻金明執李士彬破安遠塞門承平諸砮范仲淹

慶歷元年正月奏疏云請以二月半合兵萬人自承平砮進築承平砮俟承平畢功又擇利進築以

西夏書事

卷十四

二

牽制元昊而仁宗本紀夏五月元昊陷塞門又陷安遠李氏長編五月甲子元昊陷塞門乙亥陷安遠並不載破承平事惟韓琦奏議云栲栳塞門安遠黑水等砮自為元昊所破直至延州更無障蔽其承平長寧南安等砮亦當時倉猝棄之是承平乃中國自棄者夏國傳謂元昊破誤

陽修曰元昊假借名號以威其眾先擊砮堡之易

取者一二然後訓養精銳為長久之謀故其來也

雖勝而不前不敗而自退所以誘吾兵而勞之也

或聲言擊吾東而擊西或聲言擊吾西而擊東乍

出乍入所以使吾兵分備多而不得減息也吾欲

速戰彼則持重以養銳坐以待戰彼則欲避而不

來直待中國已困民力已疲又或中有水旱之灾

調歛不勝盜賊四起彼乃奮其全力盡銳深入觀

其始告稱帝迄土媿書逾年不出一出則鋒不可

當執劫蕃官擒獲將帥多禮不殺此其陰謀所蓄

豈伊朝夕之故哉不執請諸蠻入也而致幽昏

華州生張元吳昊來投官之京師而王命詭謀里天

華州生曰張曰吳者王鞏聞見近錄以張負氣個

儻有縱橫才累舉不第熊克復九朝通鑑李氏長

元作源俱誤薄游塞上覘覽山川風俗慨然有志經畧

西夏書事

卷十四

三

恥于自售放意詩酒出語驚人田畫承君集張有

月中兔更向白雲頭上飛又云好著金籠收拾取

莫教飛去別人家吳亦有詩欲謁韓范二帥恥自

屈乃刻之石上使人拽于市而哭其後與容齋三

筆所記同間見近錄又載元客于長葛問縣河有

蛟長數丈每飲水轉橋人為斷行一日蛟方枕石

飲元自橋上負大石中蛟宛轉而死血流數里又

每夜遊山林口吹鐵笛羣盜皆聞聲而而邊帥皆

避是其桀驁不羈不特詩語驚人也

莫之知俚無所適聞元昊屢窺中國遂西走聞見

云元為縣宰所答乃逃請元昊過項羽廟沽飲極酣酌酒像前悲

歌秦皇草昧劉項起吞併之詞大慟而行既入國

二人自念不出奇無以動聽各更其名相與詣酒

肆劇飲終日引筆書壁曰張元吳昊飲此邏者執之元昊責以入國問諱之義二人大言曰姓尚未理會乃理會名耶時元昊尙未更名曩霄所上表奏仍用中國賜姓也聞言悚然異而釋之日尊寵用事後入寇方畧多二人導之云

按昔魏公叔痤荐衛鞅于惠王曰不用卽殺之

具王以爲悖而不聽後鞅入秦遂強秦而弱魏蓋懷才之士不爲我用卽爲敵資況負氣倜儻縱橫不羈如二人者乎顧是時韓范主兵需才孔亟凡智能之士無不位置攸宜器使各當而獨于二人失之豈非天哉

### 夏州民韓福內附

福初名懷亮見元昊僭侈日盛自夏州內奔請改名自效仁宗詔隸神衛軍後從任福破白豹城有功補承局尋遷三班借職

按張吳以中國士人甘投夏國律以春秋去夏

就夷之義罪豈能辭福乃羌屬小民獨能潔身慕義亦可嘉矣比書于冊使後世之士有如張

吳者聞福之風或媿而止歟

六月歲星犯井鉞秋七月又犯東井

在井十三度

分兵攻金明

元昊久駐金明朝廷使鄜延鈐轄張亢都監王達  
率兵擊之始退延州兵馬都監周美請于安撫副  
使范仲淹曰夏人新得志勢必復來金明當邊衝

若不亟完將遂失之仲淹因屬美城焉

宋史明鑑  
傳為陝西

轉運使元昊寇延州破金明若旣去議修復其城  
鎬以百餘騎督將士一月而成李氏長編所載同

西夏書事

卷十四

五

與周美  
傳異

數日元昊使兵攻之陣于延州城北三十  
里與美力戰抵暮不解美徙軍山北多設疑兵將  
士望見以為救至引還旣而復出艾蒿山至郭北  
平與美兵夜鬪美令部卒持炬從間道上山四面  
大譟衆懼而走失牛羊橐駝鎧甲數千計

附

遼史杜防傳重熙九年夏人侵宋宋遣郭禎

來告請與夏和上命防使夏解之如約罷兵各

歸侵地攷興宗紀九年秋七月癸酉宋遣郭禎

以伐夏來報遣樞密使杜防報聘不言如夏解



和傳疑誤

九月攻三川砦圍鎮戎軍大掠

涇原素稱衝要自鎮戎至渭州沿涇河大川直抵  
邠涇畧無險阻雖有城池盡據平地與夏國路徑  
交雜元昊率兵徑攻三川砦殺西路都巡檢使楊  
保吉敗都監劉宗李緯等兵進攻獅子定川堡守

將三班借職郭綸

實錄及韓琦奏議並作倫據蘇轍欒城集有郭綸傳載綸守定

川事差詳今從之

固守不能下掠劉璠堡降指揮王遇都

虞候劉用

宋史范祥傳祥通判鎮戎軍元昊圍城急率將士拒退之遂築劉璠定川二堡

西夏書事

卷十四

六

與夏國傳異

連破乾河乾溝趙福三堡圍鎮戎涇州駐

泊都監王珪以三千騎由瓦亭來援遇于獅子堡

揮兵圍之數重珪奮力鬪破圍出會日暮珪語其

下曰兵法以寡擊衆利在暮復入陣索戰有驍將

持皂旗出槍直珪胸傷其右臂珪以左手杵腦碎

之又一將以槍進復斃之夏兵大驚將引還會珪

以馬中流矢退元昊留軍大掠三日間涇原鈐轄

郭志高率大兵趨三川乃還

環慶官軍入白豹城師還復之

元昊之圍鎮戎也安撫副使韓琦使環慶副總管  
任福率兵七千聲言巡邊自慶州東路華池鳳川

鎮趨七十里至柔遠

若大犒蕃部卽席部分諸將

夜抵白豹城

范仲淹奏議延安之西慶州之東夏界百餘里侵入漢地中有金湯白豹

後橋三砦阻絕延慶二州所經平明克之破蕩骨  
過道路使兵勢不接策應迂遠

咄等四十一族捨團練使一人蕃官四人蕃部走

匿土控中福焚殺之又燒積聚倉場酒務及太尉

衙元昊恐延慶合兵興州有失急回師援官軍已

退令騎躡其後神木北路都巡檢范恪引兵伏崖

西夏書事

卷十四

七

險俟半渡邀擊元昊與戰不勝乃還城中焚毀一

空令蕃衆修葺居之益兵爲守于是白豹復固

西夏

本末康定元年九月范仲淹令任福等出師  
往攻夏白豹城破之而宋史屬之韓琦傳

周禮

曰元昊兵寇三川官軍不能禦琦使任福夜攻白

豹破其族屬焚其積聚此所謂攻其所必救形格

勢禁之道也

設鐵冶務於夏州冬十月官軍分道來攻拒却之

夏衆甲冑皆冷鍛而成堅滑光瑩非勁弩可入蓋

夏州多鐵州東設鐵冶務去河東麟府界黃河西

約八十里先是部署葛懷敏出保安軍北木場谷由隗年嶺襲破夏兵數千人逐之直逼夏州而還敏于是知延州范仲淹謀取鐵冶務以圖夏州復遣懷敏與麟府都監朱觀率兵分六道掩襲觀等入界破二十餘砦族帳二十餘處抵洪州夏人結砦捍拒陰合橫山蕃部盡據險要出邀官軍後懷敏等戰不勝再宿而退田況曰夏界諸處設備甚嚴官兵入界謂之打虜所獲無幾陷沒極多如郝仁禹打瓦娥族亡三百四人無所獲任政打開訛

西夏書事

卷十四

八

堡亡百九十三人秦鳳部署司打隴波族亡九十六人各獲首一級其餘大亡小獲無足言者至于劉謙高繼嵩等破麗青諸族朱觀等入洪州牽制皆爲有功者也然無不殺戮老弱以增首級此皆吾民旣淪於異域而又無辜被戕反使遺民稱冤西界以求復仇吁可媿也已

進兵爭青澗城敗於歸娘谷

夏國蘆子平扼金明要路元昊留兵戍守范仲淹遣侍禁黃世寧攻破之然地遠不能守延州東路

鮮籬籬鄜州判官种世衡言延安東北二百里有  
故寬州請因其廢壘興之以當敵衝右可固延安  
之境左可致河東之粟北可圖銀夏之舊仲淹爲  
請于朝令世衡董其役城成賜名青澗以世衡知  
城事元昊攻之不能克退駐歸娘谷仲淹遣閣門  
祇候張繼勳更番襲擊夏兵屢敗相戒曰無以延  
州爲意今小范老子腹中自有數萬甲兵不比大  
范老子可欺也

十二月築遮鹿砦以綏州狗兒廂主守之已而戰歿  
西夏書事

卷十四

九

元昊見延州築青澗城又聞都監朱吉駐延安砦  
防東路指揮王信張建侯黃世寧駐保安軍扼中  
路巡檢劉政駐德靖砦控西路指揮張宗武等分  
屯敷政諸要害密佈兵馬聲勢日盛乃于綏州界  
外修築遮鹿要冊二砦使狗兒廂主戍兵禦之范  
仲淹遣兵馬監押馬懷德以所部掩襲廂主督兵  
出戰懷德射殺之于是要冊海溝茶山龍栢安化  
等砦皆不守其遺壘與多山當增澗亦可固

侵隴平城積賊陝宜城甘澗直張安東非二百里

初曹瑋知渭州于六盤山外隴干川築隴干城

歐陽

修王堯臣墓志作籠竿城以蔽蕭關鳴沙諸路厚集土兵守之

曰異日秦渭有警此必爭之地也

王堯臣奏疏隴干城蕃漢交易

市井富庶與近邊州郡不同其地去夏界則路元甚平易去中國則有山川之阻所以夏必窺伺

昊攻鄜延涇原不得志謀犯秦渭由生羌同家堡

入圍隴干提點陝西刑獄劉兼濟將千餘騎禦于

黑松林夏兵不能進兼濟平之弟也

十二月慶州官兵入十二盤咄當迷子二砦潰

元昊計數黜賞罰明蕃部受約束者無不盡力爲

西夏書事 卷十四 十

用慶州界北十二盤及咄當迷子二砦並戎人保

十聚處元昊入邊輒舉烽揚塵作援應勢慶州將范

恪會諸道兵攻之抵十二盤蕃衆拒戰甚力恪中

流矢不顧已視砲石中有火輿者恪取號於衆曰

夏兵矢盡用竈下甕矣士卒聞之爭奮破十二盤

於是咄當迷子族戶皆委砦徙帳而北

慶歷元年契丹重熙十年夏天授禮法延祚四年春正月涇

原官軍襲威福軍遣蕃官骨披等僞降不納

黑山威福軍駐黃河西涇原都監桑懌率兵襲之

焚族帳掠馬馳甚衆元昊遣指揮骨拔等四人詐  
投懾軍設誓願爲中國効力懾以告安撫使韓琦  
琦不可

附李氏長編正月乙亥并代部署司言西兵寇

麟府二州請發鄜延等路兵馬入西界以牽制

其勢攷宋史夏國傳是時元昊尚未攻麟府長

編不知何據

歸塞門砦主高延德於延州請和安撫副使范仲淹

使以書來

西夏書事 卷十四 十一

元昊知骨拔等計不行歸延德詣延州與范仲淹

約和

劉温潤西夏須知元昊雖數勝然亦死亡瘡  
夷殆半又誅殺不常肘腋數叛終不能大斥

境土而中國兵益練習名將稍出頗究敵中情狀  
元昊始欲臣矣乃歸塞門砦主高延德乞和宋史

夏國傳因紀此事於七月  
攻麟州破寧遠砦後殊誤仲淹見未具表奏且書

有僭號不可以聞

李氏長編云延德之來初無書  
也而畢仲游作孫沔神道碑云

高延德奉書至延州已送闕下據此  
則書固有之然以爲送闕下則誤乃自爲書遣

監押韓周張宗永同延德還

西夏本末延德被執  
後放歸漢界遂配遠

方與長編  
所載異致元昊曰高延德至傳大王之言以休

兵息民之意請於中國甚善又爲前者行人不達

而歸故未遣親信不爲書翰然詞意昭昭有足信矣惟君子爲能通天下之志固當盡誠奉答曩者景德初兩河休息中外上言以靈夏數州本爲內地請河朔之兵合關中之力以圖收復我真宗皇帝文德柔遠而先大王歸向朝廷心如金石言西睡者一切不行待先大王以骨肉之親命爲同姓封爲夏王旌旗車服極王公之貴恩信崇厚終始不衰此真宗皇帝之至化亦先大王忠順之功所致也自先大王薨背今皇帝震悼累日遣使弔賻

西夏書事

卷十四

三

有加禮以大王嗣守其國爵命隆重一如先大王大王以青春襲爵不知真宗有天地之造違先君之誓書遂僭位號累遣人告於朝廷歸其旌節中外驚憤請收行人僂於都市皇帝非不能以四海之力支持一方念先帝歲寒之本意故夏王忠順之大功豈一朝之失而驟絕之乃不殺而還假有本國諸蕃之長抗命于大王而能含容若此乎省初念終天子何負于大王前代故事諸侯于紀卽日追奪爵命購求罪首朝廷寬大至于半年有司

屢告方令下詔此國家舊章不獲已而行也二年  
以來疆事紛起耕者廢耒織者廢杼且使戰守之  
人日夜競爲羽虎吞噬邊界蕭然豈獨漢民之勞  
敝耶天子遣仲淹經度西事命之曰有征無戰不  
殺無辜王者之師也仲淹拜手稽首敢不夙夜于  
懷至邊之日諸將士多務小功不爲大畧未副天  
子之意仲淹與大王雖未嘗高會向者同事朝廷  
于天子則父母也于大王則兄弟也豈有孝于父  
母而欲害于兄弟哉可不爲夫王一二陳之大王

西夏書事

卷十四

三

世居西土衣冠語言皆從本俗而稱號獨與中朝  
侔豈欲以契丹自帝比乎夫契丹自石晉朝有援  
立之功久僭尊號若大王則世受天子厚恩如諸  
蕃有叛者大王當爲霸主率諸侯伐之則世世有  
功王王不絕乃欲擬契丹之稱究其體勢昭然不  
同也昔在五代羣雄咆哮生靈塗炭後唐明宗祈  
天生聖人以救天下是年我太祖皇帝應運而生  
及歷試諸艱中外欣戴受禪于周不血一刃四海

大定豈非應天順人之至乎太宗皇帝聖文神武



表正萬邦真宗皇帝奉天體道清淨無爲與契丹  
通好受先大王貢禮自茲天下熙然同春今皇帝  
早朝至晏從諫如流有忤雷霆雖死必赦故四海  
望如父母真傳所謂以仁獲之以仁守之百世之  
朝也仲淹料大王建議之初人必謂邊城少備士  
心不齊長驅而來所向必克今強人猛馬奔衝漢  
地二年于茲漢之兵民蓋有血戰而死者無一城  
一將肯歸大王此可見聖宋仁及天下邦本不搖  
之驗也今邊士訓練日精恩威已立將帥而下莫

西夏書事

卷十四

十四

不效命爭議進兵招討司現統兵四十萬約五路  
入界著律曰生降者賞殺降者斬獲精強者賞害  
老幼婦女者斬遇堅則戰遇險則奪可取則取可  
城則城縱未能入賀蘭之居彼之兵民降者死者  
所失多矣是大王自禍其民而官軍之勢不獲已  
也仲淹又念皇帝有征無戰不殺非辜之訓嘗與  
招討太尉夏公經畧樞密韓公竊議其事莫若通  
問大王以息兵爭以重民命其美利甚衆也蓋大  
王能以愛民爲意禮下朝廷復其王爵承先王之

志天下孰不稱賢一也倘衆多之情三讓不獲則如漢唐故事單于可汗之稱尙有可稽于本國語言爲便復不失其尊大二也但臣貢土國存中外之體不召天下之怨不速天下之兵使蕃漢之人復臻康泰無死傷相枕哭泣相聞之慘三也又大王之府用或闕朝廷每歲必有物帛厚賜爲大王助四也又從來入貢使人止稱蕃吏之職以避中朝之尊按漢諸侯王相皆出真拜又吳越王錢氏有承制補官故事功高者受朝廷之命亦足隆大

西夏書事

卷十四

五

王之體五也昨有邊臣上言乞以官爵金帛招致蕃部首領仲淹亦已請罷大王告諭諸蕃首領不須去父母之邦但回意中朝則遐邇同太平之樂六也國家以四海之廣豈無遺才在大王之國者朝廷不僂其家安全如故宜善事主以報國士之知惟同心向順自不失富貴而宗族必更優恤七也又馬駝牛羊之產金銀繒帛之貨有無交易各得其所八也大王如以仲淹爲可從則君臣同利不從則彼此相傷憂患何時息哉惟仁人擇焉

按是時經畧西事韓主用兵范主招納嘗有夏人杜文廣至延州言西界聞會兵入討國中呼集黠配遷徙驚擾使乘此時令諸將直搗興靈疾雷不及掩耳元昊善謀亦難爲備乃朝議遷延元昊因順仲淹之說遣使約和蓋其志犯秦渭惟恐延州赴援籍此爲款兵計耳仲淹遺書答之墮其術中矣

西夏書事

卷十四

六

西夏書事卷十四終

西夏書事卷十五

青浦 吳廣成 西齋 纂

慶歷元年

契丹重  
熙十年

夏天授禮法延祚四年春二月侵

渭州誘官軍于好水川敗之殺行營總管任福等

元昊聞中國師出有期潛聚兵一路俟官軍出界  
擊之已知不果乃大閱折薑會令諸將擇利進兵  
偽使人至涇原請和韓琦曰無故請和詐也令諸  
堡戒嚴而自行邊甫至高平夏兵已入渭州境薄  
懷遠城琦急趨鎮戎軍盡發其兵又募勇士萬八

西夏書事

卷十五

一

千人命總管任福將之以都監桑懌爲先鋒鈐轄  
朱觀都監武英王珪各率所部從琦授福方畧申  
令持重是夕夏兵趨懷遠東南旦日與福所部西  
路巡檢常鼎劉肅戰于張家堡盡棄牛羊馬駝伴  
北福自捺龍川引輕騎數千前逐薄暮偕桑懌屯  
好水川觀英等屯籠絡川中隔隴山相距約五里  
期明日會兵時元昊自將精兵十萬營于川口先  
以數銀泥合密封鴿百餘置道旁詰旦福與懌循  
西川西行出六盤山下將近羊收隆城得合發之鴿

自中起盤飛軍上俄而鐵騎四合自辰至午相持  
不決元昊忽令陣中樹鮑老旗長二丈餘左麾左  
伏起右麾右伏起自山背下擊官軍多墮崖相覆  
壓澤肅戰死元昊復分兵斷福歸路福力戰身被  
十餘矢小校劉進勸福自免福不可揮四刃鐵簡  
決鬪鎗中左頰絕喉而死子懷亮亦死元昊併兵  
攻觀英殺英珪及參軍耿傳渭州都監趙津等惟  
觀以千餘人免初中國以戶部尚書夏竦爲陝西  
經畧使竦揭榜塞上得趙元昊首者賞錢五百萬

西夏書事

卷十五

二

貫元昊亦令人入塞佯爲賣箔者遺其箱于食肆  
人以獻竦啟之中有榜得夏竦首與錢三千文是  
役也張元題詩界上寺壁云夏竦何曾聳韓琦未  
足奇滿川龍虎輦猶自說兵機後書太師尙書令  
兼中書令張元隨大駕至此題

張元題詩聞見近錄云在攻鄜延執

劉石時周輝清波雜誌記在敗任福後當以周說爲是

史臣曰元昊乘中

國弛備悉衆寇邊王師大衄者三夫豈天時之不  
利哉亦人謀之不臧也好水之敗諸將力戰以死  
噫趨利而違節度固失計矣然秉義不屈庶幾烈

士者哉

按議者謂福以素未撫循之衆臨敵受命法制

不立既又分出趨利以至於敗說殆非也元昊聞朝廷聲討方謀聚兵一路以拒官軍及朝議中止乃分兵四出蓋知涇原主戰非大創之不足挫其銳也故僞和以絕延州之援詐敗以驕諸將之氣道旁銀合陣內長旗其詭譎之智豈福等所能料哉書誘書敗著其黠也

圍劉璠堡

西夏書事

卷十五

三

涇原屬戶萬餘帳向來驕悍元昊六盤山之戰皆其嚮導故兵行徑路及設伏之處一如宿計是時引元昊乘勝圍劉璠范仲淹遣環慶都監劉政將銳卒五千來援夏兵聞之遂還

附范仲淹奏議山外兵敗之後據慶州申郝仁

禹等領兵入夏界輸折甚多又田况奏議仁禹打瓦娥族亡三百餘人此事紀傳不載

三月復以嫚書遺延州

韓周等始入界迎者皆叩頭稱賀禮意殊善又行

兩日卽聞山外兵敗狀意便驕慢旣抵國中元昊  
不見留四十餘日方令親信野利旺榮爲書書共  
二十六紙語極怨尤不遜又以劄付周等要求數  
事使人同至延州范仲淹發書對使焚之僅存後  
幅求通好語及周所賫劄止之樞密院

夏四月掠儀秦二州

夏四月掠儀秦二州

夏國首領各將其種落兵謂之一溜少長服習作  
止自然旣成行列每餐以手掩口絕不笑言整飭  
如是元昊之寇渭州初分兵爲四溜期集于好水

西夏書事

卷十五

四

川任福所遇乃先至之一溜也猝遇福軍而駭欲  
奔所聚之地福不知虛實乘勝尾追遂陷大陣然  
諸將力戰至死不肯退夏兵雖勝殺傷亦相當故  
攻劉瑋堡不克還屯天都山令游騎剽掠儀秦二  
州屬戶聞秦鳳副都部署曹瑋設伏以待乃退

沙州回鶻來侵卻之

沙州回鶻來侵卻之

回鶻土產珠玉爲最帛有毳羅綿毛氎絨錦注絲  
熟綾斜褐藥有脰臍礪砂香有乳香安息篤耨  
其人善造寶鐵刀烏金銀器或爲商販市于中國

契丹諸處往來必由夏界夏國將吏率十中取一

擇其上品賈人苦之後以物美惡襍貯毛連中

洪皓

松漠紀聞云毛連以羊毛緯之單其中所以爲袋以毛繩或線封之有甚麤者若間以襍色毛者則又甚輕細然所征亦不貴自元昊取河西地回鶻種落

竄居山谷間悉爲役屬曹瑋在秦州欲誘之共圖

正元昊得西川舊賈使諭意于是沙州鎮國王子遣

使入貢奉書曰我本唐甥天子實我舅也自李氏

取西涼遂與漢隔今願率首領討夏已而以兵攻

沙州不克

西夏書事

卷十五

五

以中書令張元爲國相

元好陰謀多奇計然性喜誅殺元昊殘暴多其贊

成故倚畀尤重

五月遣盜入涇原賈道備意于長也

元昊行兵每以厚賞用間諜哨探至數百里外必

得其實又陰養死士專備刦刺初夏竦議五路進

師集幕職兵官密置兵馬分擘糧草凡五晝夜皆

有文字封鑰大櫃中數人不能舉一夕失之竦謀

遂沮是時韓琦駐涇原夜有人攜匕首入寢門遽



襄帳琦起問誰何曰來殺諫議問誰遣來曰西夏張相公命琦復就枕曰取余首去刺者不忍取金帶而出琦明日亦不治此事俄而守陴者以原帶獻蓋刺者故張其事以搖中國軍心也按綱目書盜主言書使盜三罪使者也涇原之盜雖言張元所使實則元昊主之不書元者罪處有攸歸也

秋七月河東屬戶也羅導攻麟州圍十八日而解

夏國與陝西有大河之限難于援應若自興州徑

西夏書事

卷十五

六

以越河津不十日程可入麟府元昊于河西伐木編筏將爲渡河計會河東屬戶也羅新授殿侍求錦袍驛料於兵馬鈐轄康德輿不與也羅有怨言或譖其與夏國通戰則反射漢人也羅不能自明遂投夏導兵入寇聲言侵關隴知并州高繼宣請備麟府已而也羅果以河東兵弱自後河川逕渡首攻麟州四面屬羌盡遭驅脇都監王凱乘城拒鬪未餘日不解繼宣帥兵赴救自陵井抵天門關及河師半濟黑羆暴合舟不能進繼宣具牲酒爲文

以禱俄而晴朗師盡濟遣勇士斫營不勝募黥配

八廂軍三千人號清邊軍令凱將之出次三松嶺元

昊揮兵數萬圍之清邊軍奮鬪夏兵敗斬首千餘

蹂躪死者無算遂解圍退

魏泰東軒筆錄麟州踞河外扼西夏之衝但城中無井惟有一沙泉在城外其地善崩俗謂之抽

沙每欲包展入壁而土陷不可城慶歷中有戎人謂元昊曰麟州無井若圍之半月兵民渴死矣元

昊從其言城中大窘有軍士獻計曰彼圍不解必以無水窮我今願構泥使人乘高以泥草積使敵

人見之亦伐謀之一端也州將從之元昊望見謂戎人曰爾言無井今乃有泥以護草積何也即斬

之解圍去又陝西通志苗繼宣傳麟城素乏水圍既久士卒渴乏或勸繼宣取汚溝之泥以飾埋元

昊仰視曰謀謂我無庸戰不三日漢人當渴死今

西夏書事

卷十五

七

尙有餘以巧乃給我也斬之城下去攻宋

史張旨守府州亦載此事未知孰是俟攷

宋史王凱傳元昊反凱徙麟州都監嘗出雙

峯橋染枝谷與夏人戰破之又竇舜卿傳舜卿

爲府州兵馬監押夏人犯塞舜卿欲襲擊求援

于王凱凱弗應舜卿度事急提州兵出戰勝之

凱攻明鎬奏議凱在河外凡九年屢有戰功未必

吳係此一時事

八月破寧遠砦圍府州不克轉攻豐州取之

元昊攻麟州佯言軍士死傷者三萬餘人失輜重

數千以驕中國邊吏一日踰屈野河西山上白草  
平攻寧遠破之殺砮主侍禁王世直兵馬監押王  
顯焚倉庫樓櫓皆盡轉攻府州州城倚山險且固  
東南有水門崖壁峭絕下臨大河兵從崖腹微徑  
魚貫而進城上矢石亂下退攻城北與知州事折

繼閔士卒力戰死傷者千餘人

宋史張旨傳旨通判府州州依山無

城郭旨將城之州將曰吾州據險敵必不來旨不聽城垂就元昊兵大至乃聯巨木補其罅守以強弩中外不相聞者累日州無井民取河水以飲夏人斷其路旨夜率兵擊之夏兵小卻以官軍壁兩旁使民出汲又以渠泥覆積草夏兵望見以爲水有餘戰又不勝解去與折繼閔傳異乃縱

西夏書事

卷十五

八

刈禾稼盡發窖藏徙攻豐州破之知州事王餘慶  
兵馬監押孫吉指使三班借職侯秀嚴訓皆死遂  
大掠永安來遠保寧三砮蕃族

徇唐隆鎮降首領來守順等

唐隆鎮首領來守順等

唐隆爲西蕃大部與麟府僅隔一河元昊圍麟府  
分兵破之守順請降徙之夏州未幾與麟州蕃官  
麻崖府州巡檢默喇俱脫歸中國麻崖默喇皆元  
昊脇以入西者也

九月復掠麟府與巡檢使張弼戰于龍門川不勝

元昊旣破豐州回兵復扼麟府使二州隔絕民閉  
壁乏飲黃金一兩易水一杯又縱游騎抄襲餉道  
邀擊巡檢使張岳于深柏堰不克見近郊田比秋  
成分兵據之岳將步卒九百人來爭元昊易其兵  
少列陣龍門川以待岳奮力接戰夏兵被斬者數  
百級失器械牛羊數千計賊兵及虜軍需至繼  
獻俘契丹

初仁宗詔河東安撫使移文諭契丹以元昊反奪  
官削姓已發兵討之契丹亦以興平公主故滅元  
西夏書事

卷十五

九

昊使人入聘元昊懼南北合兵會府州折繼閔護  
送冬服至麟州伏兵盡奪之遣使獻俘契丹以求  
和好

附

宋史郝質傳質與田胙將兵護軍需至麟州

道遇夏兵數千前抄質先驅力戰斬獲頗多又  
張岳傳中使促賜軍衣至麟州夏人邀之青眉  
浪岳馳往護流矢貫雙頰岳拔矢力鬪夏兵卻  
望此二事與折繼閔事孰先孰後紀傳不詳

冬十月容州刺史耶布移守貴以兵據琉璃堡戰敗

棄堡走

西漢書

卷十五

元昊久困麟府州民及僧道詣闕請益兵廷臣以

二州在絕塞咸議棄河外守保德會并代鈐轄張

亢奉詔至與張崑合兵爲戰守計耶布移守貴以

兵攻之屢敗悉衆據府北之琉璃堡分列三砦亢

使謀伏堡旁深草中伺其動靜見老羌方炙羊髀

卜吉凶驚曰明當有急兵且趨避之衆笑曰漢兒

皆藏頭膝間何敢爾亢知無備夜半引輕騎掩擊

三砦兵倉猝迎戰敗死者三百餘人失牛羊馬馳

西夏書事

卷十五

十

萬計遂棄堡走西漢書

十一月爭建寧砦大敗十二月盡撤諸路兵還

建寧據麟府之中最號險要元昊令蕃卒據之時

麟州郊賞至府州府餉麟地距百四十里非兵衛

不敢前張亢率所部護送夏人鈔之不得間聚蕃

衆數萬屯柏子砦邀亢歸路天大風亢順風奮擊

俘斬無算轉戰至建寧砦

韓琦安陽集作寧遠宋史郝質傳爲府州都監

與田朮行邊至柏谷敵塹道以阻官軍質禦之寒

嶺下轉鬪逐北遂脩復寧遠諸砦以扼敵衝所去

柏谷未知卽柏

子砦否俟考 砦兵披靡走亢修復砦址夏兵出

兔毛川爭之充令張岳伏短兵強弩數千于山後  
充所將萬勝軍皆京師新募西人目爲東軍素易  
之而憚虎翼軍勇悍充陰易其旗夏兵誤趨之虎  
翼軍力戰伏發夏兵大敗盡撤諸路兵還續興  
慶歷二年契丹重熙十一年夏天授禮法延祚五年春正月  
遣兵扼金湯城環慶將王仲寶來攻拒之敗績宥州  
被圍五日而解

金湯東距延州德靖砦四十里西南距慶州柔遠  
砦八十里爲國中和市處元昊自麟府還慮延慶  
西夏書事 卷十五 十一  
兵入界以重兵守金湯環慶副部署王仲寶與鄜  
延都監狄青率兵襲擊殺數百人進攻宥州大掠  
五日元昊遣兵拒卻之

團練使訛乞哆噉內附王翥寶來元昊遣兵  
元昊以官爵縻下沿邊逐族首領管三五百帳悉  
署觀察團練之號景祐中訛乞曾受元昊職與族  
弟訛介不合慶州蕃部巡檢趙明數遣人招之與  
蕃官二十三戶內附仁宗厚賜授官已而哆噉亦  
由嵐石都巡檢司請內屬元昊遣兵

二月鄜延兵擾綏州卻之遂襲龍口坪

緣邊山坂重複元昊兵行必循大川是時屯兵無

定河鄜延路都監周美擊破之乘勝抵綏州殺僇

首豪焚毀廬帳夏衆傳箭以拒美于龍口坪築砦

戍守元昊令精騎數千襲之美從百餘騎迎戰相

持數日而解

監軍野利旺榮使蕃將浪理等詐降于青澗城

野利旺榮與弟遇乞分掌左右廂兵魏泰東軒筆錄夏將野利

剛浪陵遇乞二人能用兵山界人戶善戰中間劉平石元孫任福之敗皆二將謀也慶歷中种世衡

西夏書事 卷十五 五

守青澗城用僧王光信齎書問之元昊大怒奪遇乞兵殺之薛氏通鑑西夏剛浪陵號野利其弟號

天都王皆元昊腹心也宋史种世衡傳元昊未臣其貴人野利剛浪陵遇乞兄弟親信用事世衡使

王嵩遺書問之皆誅死夏國傳及龐籍傳則言籍與世衡致書野利旺榮並無剛浪陵名攻石林燕

語龐穎公知延州元昊親信臣野利旺榮遣牙校李文貴來朝廷幸其至使籍作書答之是剛浪陵

即旺榮也皆有才謀號大王旺榮尤親信用事駐兵夏州東彌陀洞鄜延經畧使龐籍兩為保安軍守劉

拯書賂蕃部破丑以達旺榮言公方持靈夏兵倘

內附當以西平茅土分冊之知渭州王沿副總管

葛懷敏亦使僧法淳持書及金幣招之田况集云旺榮遇乞

分主夏肅兵附近漢界其居常出入從者不過一  
二人王沿嘗欲募死士刺之因朝廷不肯出重賞  
乃止宋史夏國傳知青澗城种世衡遣王嵩以棗  
及畫龜遺旺榮旺榮囚嵩害中歲餘知渭州王沿  
總管葛懷敏方使法淳  
持書往與种世衡傳異  
旺榮令浪埋賞乞媚娘三  
人詣青澗城种世衡軍前請降世衡知其詐曰與  
其殺之不若因以爲間留使監商稅出入騎從甚  
寵法淳者睦峒山慧明院僧嘗率其徒力戰以護  
御書院及保蕃漢老幼孳畜數萬者也  
築阿干城破西蕃瞎毡衆于龕谷

西夏書事

卷十五

三

瞎毡與父唃廝囉猜阻始據河州繼徙龕谷城自  
立文法無所屬寶元中陝西經畧安撫都監趙珣  
招之遣以綈錦瞎毡聽命屢通貢朝廷授澄州團  
練使是時元昊築城阿干河旁距龕谷七十里中  
國命瞎毡爲緣邊巡檢使出兵圖之元昊惡其逼  
遣將攻龕谷大破之唃廝囉不能救

三月慶州築大順城因遣兵戍白豹金湯等砦

自白豹金湯之破官軍一退元昊令蕃衆修復守  
禦益固范仲淹謂大兵屢出不據險扼之徒滋怨  
毒無益也慶州城西北馬鋪砦當後橋川口爲夏



人出入必由地密遣子純佑與蕃將趙明負販築  
大順城元昊懼扼其衝先伏兵河外以三萬人搦  
戰佯北仲淹戒勿追元昊計不行遂以重兵戍金  
湯白豹兩城蓋大順成則二城勢孤也宋史范仲淹傳大順  
既城白豹金湯夏人皆不敢犯攻仲淹奏議云臣  
竊觀延安之西慶州之東有夏界百餘里侵入漢  
地中間金湯白豹後橋三砦阻絕延慶二州經過  
道路使兵勢不接策應迂遠自來雖曾打破無招  
降之術據守之謀漢兵纔回敵據如故又李復圭  
傳熙寧三年遣別將破其金湯白豹西人和市又  
地理志進築白豹金湯俱在元符二年  
則慶歷中二城尙未內屬未可云犯也

元昊乘中國久不用兵蹈瑕竊發以游兵困

西夏書事

卷十五

古

勁卒以甘言悅守臣一旦連犯亭障破金明李  
士彬執砦門高延德而並邊籬落大壞掄劉平  
于三川口死任福于好水川而西州勁兵盡亡  
勢實駸駸不可制矣然而兵敵士寡憚于深入  
其屢次入邊不過爲擄掠計初未嘗據守城砦  
也惜宋人計疎失于防禦觀于青澗旣城大順  
繼築金湯白豹勢漸不支其兵力不可概見耶  
獻俘契丹以請師契丹出兵次幽州

宥州界首蕉蒿砦距大順城不及五十里范仲淹

使供備庫副使范恪破之元昊遣數千騎赴援恪  
弓勝一石七斗矢鏃如鏢每發輒貫二人衆不敢  
逼已而總管杜維序鈐轄高繼隆又分兵襲新築  
漢乞薛馬都鬼三砦元昊慮漢兵深入以所掠緣  
邊人馬獻于契丹請援契丹集兵幽州聲言分侵  
河北使西南面招討使蕭塔列葛約元昊出別道  
以會中國疆堠戒嚴通判安肅軍李及之言契丹  
與夏人姻故出兵姑應其請必不終失誓好願毋  
過虞已而兵果不出

西夏書事

卷十五

五

西蕃兀二族來降夏四月知環州种世衡討破之

元昊數誘屬羌爲助環慶路酋長六百人約爲嚮  
導范仲淹知其謀卽日行邊稱詔犒賞諸羌悅服  
聽命惟涇原間明珠滅臧兩大族步騎數萬號勁  
勇北有二川直接夏境仲淹嘗請遣使招撫輒以  
所受賜物呈送元昊作歸投質驗元昊授以官同  
肆劫掠涇原路計討之仲淹以二族道險難攻而  
止已二族誘環州兀二族受元昊署號結盟入擾  
仲淹欲離其黨使世衡招諭不聽世衡令內屬蕃

官慕恩率兵掩至其地討破之其族百餘帳皆降

附 范仲淹奏議環州都監郝緒于安塞堡入夏

界折卻使臣軍官兵士四百五十餘器械無數

攷此事于實錄宋史未見

與延州官軍戰橋子谷不克

初夏兵入漢界官軍分地謹守不敢拒戰故往來

如履無人之境自鄜延環慶諸路設備復佈探馬

偵候兵至卽會合掩擊于是稍知顧忌時延州守

龐籍以金明西北渾州川水土肥沃川尾橋子谷

西夏書事

卷十五

六

爲夏國險隘令部將狄青築招安砦于谷旁元昊

遣兵三萬爭之麾騎挑戰六班散直張玉持鐵簡

出鬪夏兵辟易退還自是興靈東界兵不得併力

西出

夏五月宥州侍中默香內附請封冊

默香素掌宥州兵馬龐籍使鬼泥族軍主阿克入

西偵伺默香告以國主請兵契丹使爲備旋與其

屬堪嵬布遇乞遣人賫告敕請內附求封爵仁宗

授順德軍節度封順德郡王賜姓名白守忠堪嵬

會州防禦使布遇乞敘州防禦使各賜襲衣金帶  
然香等仍居宥州如故

遣兵援黑神堡復犯延州

元昊築黑神諸堡扼延州要路東路都巡檢馬懷  
德平盪之元昊遣兵四萬躡其後復入延州界趨  
僕射谷懷德分兵數千據谷旁高原以待夏兵恐  
失地利揮衆搏戰懷德力拒不得進

六月錮延州將王嵩遣教練使李文貴請和

青澗僧王光信趨勇善騎射習知蕃部山川道路

西夏書事

卷十五

七

种世衡知青澗城時使爲嚮導數盪族帳奏爲三

班借職改名嵩世衡爲蠟書遣嵩遺旺榮

沈括補筆談世

衡以軍機數條絮袍一與嵩曰至彼須百計求見  
遇乞非此人無以得其腹心嵩如所教問關求見  
過乞與宋史言浪埋等至朝廷知王有向化心命  
世衡傳異

爲夏州節度俸錢月萬緡旌節已至促其內附以

棗綴畫龜喻早歸意旺榮得書大懼自所治執嵩

以獻

魏泰東軒筆錄嵩持書及山界卽爲邏者所  
得賫書以見元昊宋史夏國傳旺榮得書笑

曰种使君年亦長矣何爲此見元昊疑旺榮貳已  
戲卽囚嵩害中亦與世衡傳異

不得還所治錮嵩害中

呂輿獻文集記世衡遣嵩  
入夏事頗詳宋元道鑑備

載之其遺文貴佯以旺榮旨報世衡且言不達書  
說甚俚  
意或許通和願賜一言文貴亦言用兵以來資用  
乏困人情便于和時世衡已去青澗龐籍疑其詐  
留文貴不遣

西夏書事

卷十五

西夏書事卷十五終

